

雙溪集卷第一

古律

次韻大父曬麥

西郊歲種十畝麥自笑不耕惟坐食吾人

幸此卜


何心更求得我田長熟無旱潦玉粒收來堅且好

執券契虐取多求急於盜我家治生無竒功累世守

風倉困不滿非所恤冒暑一曬安敢慵長空不見纖雲

酒烹鷄會鄰里炎飈不厭塵滿身冷餅行看水上齒閑居捨

此一事無徇時干祿姑捨諸信知為農自足樂秦相未必賢



眉山蘓



籀

仲滋



牽盧

大父令賦舊扇

裁紈當團扇當暑不離手炎涼一推遷委擲昏塵垢蒙蒙縈
蛛網閣閣迷遠岫人情逐時移浪自分好醜一朝被收錄已
迫朱明候開篋振浮埃清風亦生袖有愛必有憎無新故無
舊可憐漢婕妤涕泣將為咎賢哉楚令尹無欣亦無詬

大父令賦捕魚

寒魚不樂水遇汕輒來依溪邊蓑笠翁智深魚莫知網罟既
不設釣竿亦罷携簫然徒手來一一收無遺幽人買魚食心
亦憐魚癡蚤知烹割苦寧如在流澌世人豈異此外物常見

羈好在李斯大當觀莊子犧

咸陽縣令求清渭樓詩和何子應長句

秦如蕪葭未飽霜四維不舉空豪強神疲鬼乏赴功利兆自
襄公終始皇富極薰天力斡地諸侯西來誰敢當范雎李斯
乘利勢蒙鷺白起先戎行韓盧前奔宋鵠舉角逐海內如驅
羊干戈取之刑法治舉事夸淫惟快意時移數盡非徒然直
筆汗青遭唾毀咸陽宮殿無尺瓦直抵南山是禾稼山巔冠
闕摠成塵清渭東流無晝夜昔時此水貫宮垣今日淪漣縣
樓下無復秦娥洗粧水時有村童飲牛馬秋波泠泠泛紅葉
春天波蕩桃花郎清名不與世榮辱混濁何嘗妨至潔八川

分流皆異態七澤胸中無芥蒂直湏面面倚危欄
彈賭雍州原野大樓中有客雍門彈坐上悲歌擊樽壞
何侯精采如琳琅携詩揖我謂我臧我今為子登樓賦
書版一諷悲興亡

次韻范氏子園居即事二首

媚蘭多畦畹黨行論尺尋倦矣一枝足卓哉千里心
氣含湖海姿名掛羆虎林長髯冒世累禿鬢微霜侵
雕鑽久已休潛伏恨不深亭丘近來趣何止如山陰

沼泚清漣生沄沄復浼浼爨清飯不足歡賞心無餒
金絲撚條柯酥蠟滴趺蕾櫻桃與芍藥春事卜貞悔

花開且復謝迴首悲今昨席月吹參差臨芳傾鑿落
莎蘋藉醉枕風竹驚眠覺賓僚上馬去烏烏相呼樂
春光在木杪花絮相紛箔酒到忘醇醪客來無善惡

耕者得古玉指環一首

百世繁華墮劫灰淒涼斷簪并擘釵淑顏窈窕亦塵
土指環耕出田中來野人辛勤務稼穡兩手龜拆闢
草萊未知此環竟安用但訝光采尤竒瑰王孫捉麈
不辨玉手面膏拭無纖埃柔荑纖擻擢紺袖五雲書
勢高崔嵬金撥收聲飮犀筋冰過紅牙誠妙哉指環
不肯貧家售東鄰女貧人道醜巧梳墮馬長掃眉五
色絳箴工組繡古人製器知為誰今時豈乏春風手
春葱銀甲深藏袖偕老賦詩須我友

游寒谿次醅字韻題九曲亭一首

幅巾戲漉彭澤醅尺書間覓來禽栽東坡居士五年久真
主未遽求鹽梅扁舟夷猶水刻窟雙屐秃缺峯峩嵬招揖西
山與東魯迴首閭闔并玉臺標榜高靈方外景不染時世毫
端埃倚空千重翡翠蓋落日萬頃琉璃堆興酣魚鳥安樂國
喜溢僕馭陶家壘惜哉二老削舊迹不論石上并牆隈碣岸
橫舟昔時處刻劃獨免漫蒼苔梵刹青蓮舊僧社徑遂幾合
無人開方今九原如可作足使四海無彫摧封章千載垂可
否玉堂黃閣猶儋雷精義窮神致實用不變生死無去來天
下書生踐遺跡棠蔭處處思賢哀

次韻荅晁以道見贈二首

骨髓緘藏萬古謀畔牢愁思不禁秋常憐屈宋鳴中古不遇
丘軻放一頭文賦東坡推典麗簡書西路失歸休者公議論
方游夏豈數蘇州與柳州

玉井之泉汲又新腐陳收拾已空困鐵牛城下三年眼割見
仇池社裏人

次韻范機宜感懷

珪組紛紛蟻慕羶徇人可否異超遷傷哉遠畧疲中國慟矣
長星出亘天晉楚春秋書失國惠昭徒馭竟言旋朝廷得士
為強弱郭隗來歸不首燕

送王機宜歸襄陽侍下一首

乃公振旅來河湟新奏捷詩禮壯齊壇荆州初安帖王郎賦
緇衣旦莫刷燕越從容挽六鈞邂逅記三篋賞竒必先覩語
怪尤欣愜樵徑曳班杖僧窻敷白氎解頤千慮却爬癢眾賓
厭轅門熊虎士鐵面竦長鬣椎牛赴大醕割肉揮長鋏酸寒
高公邑會我縈仕牒兒嗥羹不糝女瘦裙刺摺嫉邪髮衝冠
憂國鬚屢鑷侯家有美載寒冬相煖熱僂褻帶青萍於菟包
瓊甲風磴好扶輪冰溪多病涉淒涼熊耳下小雪輕塵浥升
堂語君公浚治千樓堞勉足兵食孜孜撫疲苾政成在簡
易可大賢人業

黃筌畫金盆鴿孟蜀屏風者也一首

孟氏觀闕嘗鮮新蚪蚪拱桷翔青冥可憐當年百事足鬼眼
未遽窺高明鋪首倉琅百樓聳寶簾珠帶關銀屏風臺露榭
敞錦纈朝朝莫莫吹竽笙鵝溪白繭冰雪清黃史舐筆研丹
青屏間觀者誠粲者醉頰融煖蘭膏勻金槃滴取宮桃露點
黠鉛朱三昧處融怡宿粉暈嬌紅一片舜枝三月莫妙趣忘
言心獨覩花好更交宮女妬綵翎降趾戲宮廷啄哺馴和謝
籠籞跣石窺盆刷羽儀天樂鳳簫響欲舉智者創物仁者守
何嗟及矣何追咎當時高岸尚微茫零落萍蓬入誰手華堂
粉壁倚义竿五十年前亡是叟細說盈虧閱今古我曹知愛

當知惡此間風韻出成都花上杜鵑啼最苦見之坐右久彌
新咄咄庸工難與語

避地詠史一首

量力難貪督亢圖馮亭致地既來歟摸金公子驅長戟割地
先生醉墮車乘傳有人延劇孟運籌何術困由余鬼方政賴
高宗克雅信周公無逸書

東坡三絕句

門庭桃柳人人護焚屋新遭盜跖餘鄰社蕭條近尤劇孫孫
子子寶公書

嶺背泉甘陵谷遷危亭園顧尚依然春蘭秋菊無終古地上
居人世世賢

爲文赤壁并黃坂竒韻平生想象中延目練江咨逝水舉頭
碧落看飛鴻

過故丞相呂汲公墳刹二首

元祐推諧弼乾坤豈小康曹叅尚清淨蕭傳性剛方報國無
遺恨興邦舉舊章累年公議白名與日星光
纏綿思舊賦沉痛八哀篇宇宙門人盡謀謨國史傳高閔人
莫及何代獨無賢欲說源流遠還應筆似椽

南溪太息一首

東坡魯賞南溪雪他日流芳好事孫寒侵稜稜裏崧岱憂端

憤憤塞乾坤赤囊政爾勞邊吏白羽多應落酒樽太息九原
何可作逸才誰敢賦招魂

舟中懷古一首

耀德先王不耀兵汪洋施澤在生靈孰違天戒并民欲不受
邦家嗜虜庭作備亂生誠有自覆車勢合亦難停山河異境
傷王導雲海高翔羨管寧願以絲毫裨漢室豈無弓矢斃胡
星愚翁事業空遺臭經義分明戰血腥

次韻陳叔易遠別離三首

晝短宵未明何朝妾覲君淚滴九霄雨愁凝千古雲鳳藏丹
霄晚鴻遵沙磧遠樓迴眼波窮軸折離魂斷安得葛陂龍肉

骨丹九轉

婦慧弗諳事謂世無離索洋洋舊依蒲逐逐難翳藿衝風遞
弱羽爛漫何鄉落憂端埒南山那堪魯酒薄人力末如何天
公良可託

別情荼無苦訣語若為道日近長安遥山圍煙浪遶星河通
故都冰雪迫彫槁迴轅尚茫茫延頸空矯矯卜歸付乾策此
策何人抱

憶雍都一首

秦漢西都誰復加茂陵賦筆大非夸西瞻周道平如砥南揖
秦山翠削爪電尾風髮蹠逸健蝟鬣黧面手高叉兵微將乏

初無奈賊破功成近可嘉飄泊荆吳最蕭瑟厭聞胡漢更紛
拏娛賓北榭忘憂酒侍燕西川沒骨花縱被尊羹當羊酪未
諳艫舫憶驪駒

梔子花一首

鏤裁雪羽元同質合輯龍沉更一家氣襲禪僧卓端白葩敷
溪女鬢眉斜牽纏薌色誠虛幻結習因緣可歎嗟芍藥調和
傳漢殿醪釀脂澤有渾耶

鑒裁一首

喬公評老瞞謫仙竒郭令視遠數十載偉歟真智聖破賊此
郎子勿反吾同姓几才恩世間鑒裁惟其證大奸初難辨明
者獨深省若人與斯評厥重如鍾鼎紛紛女媧土安在所譏
病惟賢則知賢絲亂行將整掩書坐前軒老眼安敢瞑

夜飲一首

微生無限死之徒瓦解絲棼不易圖一篲區區裨大壞力行
踽踽競長途韜鈴籌策皆摧折文籍條綱摠閣踈誰料孟嘉
爲謝傳笑觀蔣幹待周瑜

去年一首

去年胡來清水巖黃河狹隘冬凌頑戾如飄風速如鬼犬豕
淫虐豺狼貪探馬星奔汗流地猛士皆裂髮指冠潼雍見兵
不及萬半闕甲冑屯河邊隆寒身體例鞍豚亦復勉強橫戈

鋌它司金繒封雍府犒軍紙襖如泥錢胡人隔水相笑侮殺
身於爾何直焉同州告急唇齒喻無兵赴救誠難旃元戎鈴
下兵八百蒼頭斲養爭後先鄜延詔發五千騎此日收兵姑
自全平時保甲例烏合縣符迫促揮空拳甚哉田夫無鬪志
一夕驚走如窮煙漢將蒼黃結旌道虜騎勢合彌山川關中
控弦誠萬騎忠臣義士力可宣書生命運亦蹇劣我師疲少
鄰敵堅却憶長安無事日談及旤亂爲尤愆飯囊酒壘誇厚
福捧土揭木皆才賢生靈未悉坐何罪髓腦塗地尤蒼天天
公誠能祐戎虜豈復不解興中原案圖戎索八百郡我邦日
蹙知誰憐吳中據江恃舟楫惴惴慄聊偷安旅人流徙隘城
郭歲事寒薄理勢然去年往矣不須問安枕而卧祈來年

維摩詰一首

孟杓何人執其咎脅卑卑十年臭邂逅瓊枝解渴心京洛
豈嘗開豆蔻博山沉水燒春晝採英擷萼春風手九迴蠶卷
紆餘秀尺六仙園楚宮瘦癡狂無限熱肝脾盛詫櫻桃比垂
柳槁木寒灰不二門禪功道力何妍陋

偶成二絕

古風未必今人操老氣休祈大吏歡捫腹定無竒士術蕭然
且作野人看

延陵乃有能詩鑿子路猶爲少讀書習氣未忘番簡冊白頭

稽古不應愚

梅雨一首

柑花銷殞荔殊小海上雨雲氛氣昏感慨干戈異鄉客愁思
骨肉與誰論白魚紫笋清庖隸蘆橘揚梅積市門作吏天涯
何所得一春黃卷伴芳樽

張孺人九十六歲簽判求眉壽堂詩二首

鵲巢流慶嗣如參鶴髮人間仰達尊經眼盡知三世事含飴
已看幾重孫承顏捧詔疏封邑扇枕溫床不倚門取數西方
無量佛滿堂氛馥具多翻

蕭同叔子無令笑縣上之推乃棄官咸羨此堂稱聖善累從
治劇勸平反晨昏不怠諄諄誨僮使皆沾洩洩歡紫詔又當
稱大國安輿五馬疊榮觀

陋居一首

平生壘牖蔀蔀菁江左那無寸土寧游宦飄然紆幕燕陋居
粗有讀書螢浮生佛脚須當抱亂世儒衣便欲停天定災祥
在淫善北溟安得勝南溟

羣盜一首

貪得不知義流風紊四維珪璋實盲昏黥髡亦覬窺諒非妬
躋才競揭推埋旗巨猾肆滔天小醜爭攘欺立國計安出顧
無以家為三州破竹勢吏卒傷撓隨越人竟何能非復尉佗

時壺輦迎王旅克捷劍之湄閩府幸宴然一毫未嘗虧噫吾
有以待致爾由他岐殘孽失追襲諸將咸思歸勉哉方伯職
力拯鄰邦危漳濱擘未解蜂蝎生武夷姑息倒困藏諄復行
文移近事苟目前遠憂那敢知天運未太平佛力亦其微武
夫勿告勞儒冠湏出竒知人與安民此責誠塞之

秋分一首

礎濕嵐昏近海多劍霜清刮手親磨輪困馬棧非難整索漠
牛衣且勿呵好住延陵臯澤去強同溱洧濟人過坐令幽谷
遷喬木盛論中原喻尉他

余避亂謀
居吳中

范箕叟啜茗一首

無窮賞物胡名達希世纖柔不計金愛雪并花也延命擲絲
與竹却知音情閑未絕毫矜念文艷何妨鐵石心雅倩樊蠻
誦長恨飲茶亦可擬芳斟

程帥父朝議年八十餘諸人作詩褒咏次韻一首

郎潛華首寤鑿輿連帥元戎十乘車吏道薛公何必問史才
倚相妙稱書雍容鳩杖朝裾偉談笑蒲鞭法網踈萬石恬候
定非晚閩人安枕夢維魚

凍雨一首

淋淋凍雨滴春朝正月寒威倍凜慘汨淖不甘勞阜隸執輿
豈必勝芻蕘素餐致寇思長策失業疲氓想易招馴伏強豪

蘇餒乏濟時籌畧直須起

贈蘇文瓘

推明能隼骨專車按地談
天河洛圖漢魏晉唐皆貫澈
典墳今昔不荒蕪
君家庭戶聞風旨吾事分毫等
博屠豈待曲終思
雅頌直緣背瘡遇麻姑
預求補益三年艾
深識妖邪九尾狐
博物偉然窺子產
濟時豈必愧夷吾

酴醾一首

絆挽風光數丈枝
曳松拖雪不勝宜
濃鉛輕素誰調練
鬱蔥滋蘭無等夷
婆律著人醒自解
昆吾雕玉賞尤奇
攀條輒藥思京洛
末利晶熒自一時

次韻鄧志宏三月辛郊大雨雹

剝圭碎壁崑山頽
天容黯慘凝不開
隋和抵鵲虎兕吼
陽愆陰伏推從來
雀鼠懷安怖入壁
聲侔海翻星隕石
疾雷破山萬壑沸
急雨懸河平地尺
嘉生春淺纔織毫
季子禦雹勤嗟嗥
冲冲鑿氷窮谷裏
申豐此說殊未高

又梅齋嚴韻

振條裂石寒颼颼
霰集黃昏天為愁
若蘭政恐遠庭戶
健步斲本移巖幽
斷魂能返神可雪
照夜薰天欲奔月
妖韶敷艷滿東風
膚清骨秀無相絕

跋思古齋詩卷

娉然林下趣仙袂擁書籤心迹清無滓情聲慧且謙瓌牖龜
背戲彤管兔毫尖十願獨非僭陶云那得添

僧庵崖上榴花

蒼崖有紅榴照眼風櫺迴鶴頂磨丹明猩唇染羅竟天然同
心蒂物理有殊稟青鳥蹙絳巾竒膠綴琴軫子雲畔牢愁無
偕溱洧贈思致玉瓏鬆皎兮麗宮井江嶠瑣蠻煙空煩洛生
詠山僧遞刑語呵乃枯禪病喁諷獨移時鶻沒天宇淨

游鼓山一首

孫子安見招

呼船起拖乘潮平掠牕飄箔踈雨傾漱石枕流東道主擲風
沐雨吾曹行百尋懸瀑瀉紳珮兩邊喬木翔斡莞乞漿滿甌
牛乳粥縱酒下筋馳躡羨躡摩頂踵歷蹬術牽挽葛藟披荆
榛荒浪攬差復奄靄巖巒巒仍稜層嗥煙獻雨援鶴宅絕
山航海樵漁能草衣穴處避世士木食澗飲安禪僧芝房雲
閣無盡藏月屏風幌長明燈笑看闍闍一蟻垤揮斥氛祲投
蠻藤經行石竇解滕屨飲灌匏杓談溜澗莫嗔踏碎蒼苔色
莫嫌汲濁陰井清膏盲泉石有鑒裁騰蹕巖嶠試股肱要識
石鼓真面目立置枕几非繪繒風吹楊葉此山下欲問故老
知誰謗市朝一夢爭奪際山海蕭散堪伏膺

和洪玉甫祕監荔枝三首

林杪摘星隕江干疑燒然香包浣花錦冰質顏姑仙巨擘紛

璀璨丁香吐妙妍唐亡傾國笑何物免罹愆
閩中譜殊盛唐相賦初工萬點凝霞赤三危滴露叢驅蘆抵
烏鵲投李飲兒童子美吟西蜀櫻桃先後紅
瘴鄉駢瑣質善地寂蒲閩冠絕林間品難為坐上賓蟠桃壽
天帝萍實薦居宸無逸為龜策何煩萬馬塵

雙溪集卷第二

眉山蘇 籀 仲滋

古律

次韻侍制王公出示李公丞相鼓山唱和之什不揆蕪
累奉和一首

顛昂經世量超軼塵坱淨猗歟尋山屐汎矣隨波艇顏筆振
巖崖戎眼清水鏡平籥青雲步何如蒼蘚蹬忘懷挈伯雅寓
意彈韻磬物外赤松期域中兜率變江溟噓吸際霞褱廓虧
映龍象千礎攢簷屨十方并彌天各縱辯酌海終弗罄公侯
誠得一品物將大定瞿曇舊探蕊嵌洞尤竒勝雷喝澗流迴

石刻惟人競半山琅玕響一井玻璃瑩松風瀑水合時鳥
人聽慷慨羊鄒游雍容裴白並溪谷有佳色題品益光幸
渭濱行將獵詔促預叅乘王公居客右羊舌偕趙孟小人
繆好事大冊挾晨暝擊節穆清風續騷聊比興

次韻洪令穀瑞平遠臺

能賦憑高所得多海雲巖嶸若君何兼通西瞿曇意欲和南
風虞舜歌怪石甘泉作檀施長廊古殿蔭多羅相期正始微
言緒詩眼休嫌俗吏過

洪子再示論詩之意荅一首

文章三昧亦無多甄品難甘狀杜何撚脫髭鬚徒自哂可憐
彈鋏為誰歌腐陳點化為珍玩翡翠鷓鴣入罽羅擬續蘭臺
快哉賦後來作者豈容過

王叔明示長句訝烏澗人不出楚則失矣齊亦未為得
也次韻一笑

忍對三峯閔雨山澹蕪三五韻幽閑王郎賓席自水冷君須
舉袂人捨環烏澗門階未嘗峻瑞峯重深一百間列屋羅幃
隔風日九迴沉水紆髻鬟使君素負凌霄志矧儒何以換醜
顏龍香小袖酬綠醕不管紫雲私有語美哉江色釀山光青
瑣勤開看煙雨

次韻王文豐父待制荔枝二十韻

葉實根株尚老蒼龍鱗臯比貴先嘗千林斷送詩騷酒三絕
無逾色味薌爛醞恢台養風骨涵滋沆漉結天漿怕寒僻處
深於越贄貢無階遇有唐葱鬱梧楸共庭戶風流芝玉秀齋
房剖緘絳錦紛狼藉瑩手摩尼可比方頰郊鱗皴旌俎豆雙
珠同蒂媚釵梁摘憂林薄明朝竭繆論蕉盧幾許黃口腹定
非孤寓客甘腴盡道勝吾鄉峽山高咏詩昌白韶石英風賦
予張芍藥亦能煩驛置蒲萄豈必擅西涼彈園金橘差堅久
瑛赤含桃鉅可雙逆目提籠過闌閨解頤夢渴吸湖江仲宣
鴻筆絲綸手摩詰清才黼藻光妙絕揀枝墻欲動纖纖稱去聲
擘侍于傍翰林紀績延真賞縣長繩愆且彌忘先伯祖云莫
遣騷人說功

過賜燕行看與懷核分題今日記升堂傷時有似少陵杜上

疏豈惟臨武羗深忘河豚恕鯨柱沉思橄攬過糖霜詞情鑒
裁俱超卓促召龍墀獻阜囊

木樨花一首

何處聞國薌瓊木秀巖谷高標蕙蘭枝妙輯沉麝酷葉葉秋
聲中霏霏蚤英款介持有如松繁華豈慙菊勃蔚襲軒墀薰
沾滿衣服情人擢纖指拾藥動盈掬蘼蕪見離騷苓藿入譜
錄卉裳未可更鮑肆或爭逐亂插琉璃瓶於斯殊不俗

寒夜

鐵檠知漏永熠燿照虬蟄三策遺當世一封陳厥謨甫田須

疾未巨浸想乘桴應猝誠乖用何名道不誣

觀兵

錯指金帶予輿臺李典張遼安在哉濟溺我應知大畧催鋒
人自得高才伍符勤選加搜練戎閫徐圖妙鑒裁引領山西
十萬騎中原失御實堪哀

余游陝西聞五路
騎士尚過此數

次韻洪毅瑞摸臨臯亭四畫

水灌莽

狼石竹

退筆殘煤作家池庶幾極力更前追尋源已峽濤瀧派得骨
柯山鐵樹枝京口風雲隨叱咤渭川霆電掃端歆刻舟事往
何嗟及拙目高心付黠癡

次韻洪令三月晦見寄

摻袂東君屬此觴朱明履運返何鄉結成碩果鸚鵡語吹盡
落花桑柘光梅雨聞君醉山閣麥風招我步濠梁惜春歲月
那相貸腸斷連山草樹長

東山一首

骯髒田官委吏偕山於吾屬倍青玦星言輿轎蒙籠裏山半
振衣囂閤埃箴水布畦春澤匝吟風夾路歲寒來架巖剝木
泉悲響鑠洞白雲花爛開灰冷虛堂敷白氈爨清一飯脯青
苔欲求出世三空義一吐踈狂道眼裁

程帥新作止戈堂索詩謹賦三首

建州氓隸敢滔天亂領妖胥伏乃愆獻馘牙門森戟燾解嚴

後廡戢戈鋌勞歸宣潤竒材客勅賜番禺饋米船勸課蠶桑
陳俎豆頑愚悛悟悔從前

都士萬家吁盜守日行三百檄書馳蠻刀短楯相繩擿章甫
毛錐亦可支三道來攻吾設做千艘利涉爾焉知三州十萬
歸農畝橐戢無窮歌頌詩

楚王禁暴慙京觀漢世殘民鬪傲邊伐叛從來非得已修文
自古屬高賢禽魚草木無垠惠鄉校康莊議論妍盡悴使君
朝聽美不然海國豈安全

連雨偶成二首

檻櫺生菌地生衣釜甑有魚盤有薇適俗簪裾取縈挽累人
口腹得嶮崎行看海霧江雲盡却放風臺月觀輝撥置圖書
絕欣慨一巾一鉢款山扉

愚翁夸甫骨應寒宇宙因誰危與安治道灼知斯鞅妄中興
竊擬道安難文章一伎真何益得失他年極易觀私喜崔駟
薄班固繆賢朱博毀師丹

雕木工戲示
鄭子

君不見嶧山高崖斯相蹟橐木刻摸真並失又不見深之袖
手安國碑帝悟百牛掀倒石秦唐二子皆有聲何必令人不
逾昔拙工礪器雕不已印版傳書差可貴方趺圓首効碑影
穿鑿膠黏摠紕類鳳山之水生瓊玖斲磨光澤堅而黜文章

光艷照千古玉牒萬金吁可剖刊剗四海多名手何必區區
鑄腐朽

送朱喬年被舉薦監石井鎮

石井鎮初騰一鷲管城子健幹千鈞已然自足雄吾黨其進
祇應軼古人衣被卉裳殊俗慣解損犢佩猾商馴萬鍾他日
扶危手五斗怡怡為奉親

奉和秘監洪丈迎諫議徐公建除之什并次元韻

建極翊皇輿蓬廬懷致主除書肆時夏提綱衆目舉滿朝想
風采愛及巾墊雨平平戒自守落落進攻取定傾繫其人防
秋今尚暑執輿岫嶠嶺擲風閩海浦破的出新詩江山繚搏
俎危機見未萌剛鯁殊不吐成憲萬方瞻作者七人數收召
無遺賢高山非為呂開悟堯舜心亢宗誠刻苦閉門踰厥垣
孰與驅馳許

古勸學行

昔歲原伯魯前日棘子成所謂悉常事野哉亦苟生豈知負
孔聖義理如何行善飯斯為福食肉其堪盲六籍漫不省千
載誰辨明秦時害文維法吏趙高超起誑當世小夫無知信
可耻大官不學麤且鄙深思博問如其智精義入神以致治
從來廊廟須竒策乃用弓戈為快意孔明澤中梁甫吟著表
行師肯倩人呂蒙孜孜窺往事知新益解圖當今橫槊胡為

志試藝不文不武伊何遵嗟予貧賤年將老學古憂時滿懷
抱斯民陷溺豈無說天下復平要有道子思立教自明誠伯
業華巔愈貪討

夏旱一首

陽厄會百六驕亢慘如燬素秋垂二七十旬赤千里土田靈
龜坼水車渴烏柅歷時書不雨槁矣吁田穉雖然海有潮何
堪井無水塞臯炎煙鬱吹面江風靡憬俗雪不降炎洲冰詎
履虐魃豈勝誅巫尫寤悴霄蒙按典彝祝史殊跛倚資舟
舟已盡振廩廩餘幾枵然望雲漢邈乎嗥屏翳戎虜未入朝
耕戰誠勞勩收募聯什伍倍蓰給餉饋伊人虧顆粒主者遭
忿言覆載疑亭育蘊蔭視生類作為三日霖霧沍萬事理焦
枯已不救根蘖或可冀疲民億萬口生生荷天帝侏儒一囊
足孤寡千箱賜三軍盡鳥藻邦邑豈小乂

張子安求無外道人挽詞

奉匱誰過仲卿賢獨泣牛衣枕淚眠墨誤唾花衫未故詩題
摘葉梯猶鮮悽涼玉雪卿卿意惆悵房櫳步步蓮撫念琴書
舊同賞爵名重刻更巍然

芙蓉城闕宜通籍姑射山頭素卜鄰舉世難工斷腸句何時
再得捧心人芝蘭奕代傳遺懿玉樹千年鎖暗塵珍重清風
入襟袖每篇佳處想精神

閩中秩滿一首

蠻府同僚問字奇老成衣鉢舊箴規颶風不訝飛黃雀汙瀆
猶將貸病鷓前日暮謀非妙伎今時民瘼愧良醫徑從南浦
携書笈吉貝裳衣卓帽帷

次韻洪穀瑞見和

此間空洞寂無音整整從繩僅滿規併譜沉薌及苓藿公言
羊質錄鴟鷂秃巾鮑肆穿芒屨爭席畦丁與馬醫海浸冰銷
元凱癖玉盃繁露董生帷

招范子儀登昇山次范韻

束帶殊憎市聲沸幅巾聊復隱居尋凌虛馬鞍林巒表滴翠
馳裘澗谷深箇裏膏肓空自許何期煙雨撓重臨長鉞大白
開狂喙絕海驅山歎未禁

送范比部持節廣東

羊城使者神仙中苒^苒叱馭凌雲蹤繡袂吾徒強摻執解手一
舉南飛鴻君侯烜赫標肉譜文正烈祖忠宣父典刑付託呼
所鍾經國風規儼如故傷時嗟我思古人遺直茂勲君世嗣
春秋主盟由范氏不戰屈人從范智備嘗世故無難易出入
淹迴俱掌計世推汲偃似長孺共懷下惠賢展喜烏言夷面
吾氓耳豈弟公清渠自理聲華本實警蠻貊鋒穎天然加峭
利轉糧遵海爰究度併按三河應不避追車少日便還朝首

出儒林冠循吏

與可墨竹二十韻

天工竒水墨晴景照檀欒影動嵇阮愛筍穿淇渭干禪翁三
味力老手一揮間意匠先鶻落心造忘筆端芥胃極翁尉振
袖疾飛翰道妙進乎伎自得即之安剛耿在眉睫歲寒出脾
肝動色靛傾耳可聽非惟觀颯還掀翠羽交曼敲琅玕雷驚
碧霄聳風倒懸崖攀兩霜斜重勢龍鳳飛鳴竿勁挺加掩冉
英竒閱雕殘緹繒釘牆仞秀絕襲衣冠備悉湖州派恨不彭
城看不可無此君寧可弗至膳買林自虧蔽折檻縈叢攢房
櫳侍便嬖園苑隔扃關要見一室中幸容四壁寬此畫會通
靈請公牢鑄緘王侯儻奉借定鑠空廚還

次韻范子儀怡山飯訖訪王仙君舊迹一首

雲衲撞鍾集鶴衣輿轎來暫沽彭澤酒豈礙太常齋道釋縱
橫說門庭南北開阜叢天籟響基嚴想龜迴

次韻范子儀東山之什

東隅嶺嶠紆層出濃翠春粧日夕佳僧老林丘黨援鹿地靈
山澤產龍蛇井泉移得天台脉洞壑時開閭苑花可笑籃輿
趨斜日白雲迴首梵王家

次韻伯業賦詩相迎喜予解秩一首

長衾大枕寢將安獠子成擒路不難充類未應於義盡去官

無責本恭寬兵戈銷弭非吾力冠劍踈慵強汝彈新歲舉觴
嘉善禱掃清崧穎並憑鞍

次韻洪六丈舍人蘇黃馬券一首

長鳴天廐起毛龍萬馬皆暗一洗中立仗式儀稽馬叟解驂
牽賜有裴公累年兵火蘇黃蹟舊券山河帶礪同攬筆詩翁
擬騷雅雄然臺閣快哉風

汲東坡所浚井一首

帥貳英英駐節旄繼唐流澤便滔滔源深東絕三橋市漲縮
西湖二寸篙滿駛甃堅無旱潦瓶翻筒漏飲豚羔私家誦佛
千畦稻官帑收功萬斛醪

旅舍中秋一首

蘆笙茆茹野人編竹机藜床已侈然月滿光臨感珠夜風高
冷過曝衣天酒浮鑪肆人呼友雀啁梅花鷺睨蓮靜士兀然
方止酒舊琴不計有無絃

小僧乞其師靜悟塔銘一首

劫火吳宮盡耆年亦已殂勲拳依佛勅精苦是僧摸願力歸
兜率宗風化給孤禪心不淪謝楚些漫招呼

將軍一首

將軍義勇名蜂蟻嘗旅拒俯通建赤油超搖揮白羽不辭援
鼓桴豈以遺君父匈奴恨未滅致官逾噲伍麾下列千金赫

然士豫附家庭樹曲旃天街騰露布平昌平恩侯議論寧肯
忤萬金十千戶募斬將亡虜列屋鑠名倡連車載清酤用錢
取水衙卜宅凌武庫山岳勢能移震電赫憑怒畫地成江河
鼻息吹雲霧私鬪患不怯公戰則先務可憐金玉帛殊勝煙
埃土嗟彼紳佩儔索漠何太寡試移名將傳予汝頻晤語

夜涼

白屋秋聲裏蹉跎旅食春挑燈魯酒薄拊枕越鷄晨學術家
傳業風流德有鄰似聞川陝捷吾道付峨岷

題張公文潛詩卷一首

羣才奔正始辨論軼髯卿諸老力推轂斯文有定評龍旂叔
孫氏金筆左丘明狀杜嘗嗤點椒蘭足陷傾窮途乖黨侶陋
屋掛冠纓彰炳流千載嗟咨莫兩楹桑粉墮兵火簡札落寰
瀛態度雲霞蔚瑰竒珠玉生淵停真可挹川駛不留行機杼
班揚舊笙竽陶謝并風騷齊穆若郊島埒低平百末芳蜂採
千歧理刃迎斧斤皆閣束鑿枘自天成大論尤宏博短章工
冽清精微演孔佛剛毅弊周京糲食何曾厭高標不朽名斐
然愚小子欽詠有餘聲

國士一首

五陵少年銅乳臭哲肅何甘作牛後曲合汙世鄉原徒俗學
聾聵紛蕪莠文士規模正始間風流可喜未曾有志士機敏

常濟務幹旋金穀捷趨走取亂尤須見兵勢料敵先應決攻
守至言石畫安危機却顧前思能審究服戎角力乃兵耳入
幄造膝直禦寇人心天意歸有道務穡訓學臻富壽自古迂
儒無益笑蓋世竒才實天授誰能剡牘出公言明年定取單
于首

聞舊曲一首

短舞長謳撩性情狗翻研鼓醉承平六么花下西湖集三疊
雲凝玉塞聲治世之音豈淪謝淫哇已極返和清關雎正雅
終知律前聖嘗云畏後生

中觴二絕

欲瀾秋水剪瞳人愁絕春山傲玉真臂了荔支拋豈菟送鈎
非復近前嗔

珠貫筍纓竒出倫龍蘭入縷疊文茵芳年長好長歡夜滿意
同心同夢人

題兩黃仙人鍊丹山頂一絕

絲毫觸石千山澤咏吻傳聲萬壑雷信有蘇書標洞府不應
俗駕半途迴

平津一首

布衣海上看羣豕金門晚躋作三吏漢主功名氣薄雲柄用
儒術親且貴曉通當世博前聞自得春秋有餘地臣節儉約

君道廣烜赫顛昂仍布被蒼海西南巖遠征懇奔朔方違詔
旨發策不如朱長史庭論依違何委靡議誅郭解沮卜式山
東鄙人殊不鄙流輩紛紛稱職難黃髮毳毳保終始

皇甫一首

吏部初學除陳言學成理達無可刪腐朽點化皆不凡有如
黃河出崑崙魚龍萬怪隨濤奔志氣剛偉克乾坤灌溉所短
誇雄渾篇什性情禮義根亦曰餘事期知文弟子皇甫同光
塵師說豈不明淵源首推燕許潤王綸明堂郊廟嚴且尊嗚
呼古人弗妄云研鑽百家窮典墳兩賢纂組承華勛演敷奇
致開妙門盪耀四海蘇頑昏

中壘一首

更生傾側四斥已精誠所祈格天地著明深切安危機同道
蕭周數人耳不容何病見君子節義政應強國勢倖卿權尹
豈嘗無忠正得朋僥冒杞可憐孤直援又寡惡惡如風力排
詆漢皇聽納知其忠左右側目爭摧圮親親公族人莫比按
據春秋憂變異蕭張戮死正人空挫姦救危寧畏忌勤勤請
抑外家權社稷安榮長久計二十餘年列大夫痛切皇輿難
坐視當時不謂秦無人異世知音誠歎企亂生禍重英傑資
無競維人當樹置絳侯博陸在巖廊高武不復憂劉氏胡為
一篲障江河諫鼓屢鳴那得濟

甲寅歲雪一首

冬燠陽淫過上春飛靈爽徹浩無垠凌霄撼壤平窪凹破塊
抽萌蝕腐陳皎潔肌容宜夜覲培堆霰鬆詰朝新勻勻帝澤
烝民粒止止人寰世界塵野渡舟沉堆鷺羽豪家堂下散瑤
珉袁生高臥誠清尚慧可安心柰苦辛

程待制邁父求挽詞

從班有子詩陔蘭三貴相承德齒官政理庭闈貽濟美暄涼
枕席問平安箕裘桑梓人欽羨滫醑膏飴養色難千乘送車
傾井邑劍留傳寶涕汎瀾

太古衣冠綺季風厖眉鶴骨似霜松一枰瓜葛為嬉笑奕葉
芝蘭真睦雍珍具乞言端有屬搢紳歌咏慶惟鍾歸全五福
殊無憾蜜印行將一品封

題僧寮白瑞薌一首

芳蕤何舊絢尤物真旖旎五葉映雕欄三楹駢粉蘂妍分春
月魄香徹肌骨髓壁觀艷成魔鶴林神作崇豈特梅可簪殊
勝麝多忌野薷與戎葵猶堪解其穢

韓簿之常山送行一首

蒼隼飛亦將擊素琴不擬貴高張勾稽俛首親朱墨甘旨後
心謀稻梁吏幹能稱追伯仲朝端近例寘周行題名塔廟經
坊市俯矚煙雲越澗岡相勉三餘牽著擬助裁九畹待芬芳

繫維騏驥初從軌強勁蒹葭要飽霜縣小官閑無甚責秩卑
俸薄又何傷公田私畝工夫徧世闕前修在激昂

紬史

延陵臯壤決歸歟習氣過憂觚不觚何怪倚門嗟抗讎近來
合樂寵侏儒過關自欲聞雞唱居肆何須較馬摸乖合偶然
非汝力迷途先覺解攀拘

著書

著書前古老虞卿何必窮愁學乃成駕說精心是家訓修辭
肆筆體人情少年竦躍文章慕老去冲融道術鳴流畧從今
皆指掌粗令衰世不喑盲

大塢山寺

巖谷窈幽深映發杉松嘉擊鉢半喬木燒香亂煙霞穹林擢
峭壁攙竦迴環遮四合山復山泉籟音響譁清致滿樓閣道
人心靡他寒磬梯栗秋晴牕秀枇杷勸飛暫投迹脫兔無復
置茹繫鹽酪空解釧與筭珈餘生愧語偷逆旅郎住家戰鼓
震淮甸雄師奮爪牙儒士繆揣摩戎韜政紛拏才智為人謀
何事丘中麻冥鴻跨海岱逝水悲滌華曠哉游方外心迹同
幽遐

雙溪集卷第二

二六八

雙溪集卷第二

古律

幽栖三首

眉山蘇

籀

仲滋

終

去去追濠濮悠悠平渭莘荒涼羅雀處寤寐叱牛頻鴉炙逢
希闊萍蓬適醞醇自謀螻蟻穴何以拯斯人

豹霧谷容晦虎風林響寒通宵喧澗瀨出日照嵐巒揜卷妨
作樂搢筇詠考槃王孫有窟宅吾道尚艱難

三芝羽人佇五誠壞衣修農圃日用事芻蕘無幾求林丘識
真趣城闕罷菟裘揮斥塵勞客平生為道謀

臘雪一首

吞屋糝空嗥越犬如掾懸乳戰吳僧晶然一色紛無際飄瞥
羣花散却凝人迹禽飛遭屏絕竹端松頂重何勝將軍逐虜
弓刀濕坐幄書生能不能

晴日縱步二首

窮臘末垂風景和久游誠是我陵阿牧童笛遠雞鳧散獵戶
弓鳴獬鹿多季雅澹澹疑蜜釀木奴小小似金搓起漉十裂
吳羹醞止酒陶詩但獨哦及病不飲

雲際潺湲入下田田塍級級逗平泉羊腸帶確褰裳過蛄殼
踰藏揅槿邊荷蓀何人行嘆息饋漿與客更留連丹霞翠霧

皆招隱一抹殘陽衆木顛

和卷中韓子蒼梅花三首

先開媚晴吳孤艷斷魂時遶樹沉煙度凌寒檀暈披參橫明
月觀雪細影娥池結實冥冥雨君看雀啣枝

凍枿雖矐甚含英山意催斲冰衝曉色綻綠透春迴健步故
人信流芳好事盃不論山水僻徃徃拾香來

國香傾國色天質殆天憐含笑冰崖側無言石瀨濺湘娥愁
暮倚孫令馥終筵卜夜多松炬玉容殊更杜子美巡簷

留別趙大年并姪十七秀才

晉公賓佐選英毅冠朝端三日拂冠劍一時增羽翰世家存

器質國論佇圖難從此拋經卷青氈拜近官
君年有餘富我老漸來侵莽蒼麇麇野峙停鸞鵠音藜藿東
觚牘筆路向山林商畧古人意孜孜不患深

瑞香一首呈韓子平

未拆嬌紅淺紫駢差差衆葉翠翹然誤稱蘭艷風流冠且縱
桃夭萬一憐列檻閉帷增峭烈訴盃閣筆員嬋娟司花處子
春風面醲態竒香想象焉

金華邵氏面山臨溪而居又架水為亭雲林丘壑之聲
趣乃兼得之邵氏求其名予誦東坡江郊詩名之曰菑
絢題一絕

茂林翠巘碧潺湲涼月白雲飄素筵几杖逍遙領其會佳哉
菑絢有餘妍

大暑憶靈隱寺冷泉一首

我念熱客辭懷哉冷泉游此水登此山清便物殊尤澄滄快
一生晶澈奪兩眸青瑤碧玻璃三頃方能侔凜雪戲嶽間大
川漫悠悠浣淪鑑臨際千仞險何求面堂浸九筵沉棊颺扁
舟冷冷拆醒惛一一數鰕鯁當階掬珠璧歌枕拖綸鈎雷霆
落閘喧雪霜浮碯流京江謝潔滑苔雪雄偏州月夕了無滓
暑天常似秋拜塵付一咍汨泥亦包羞願浴岐山鳳勿飲荆

苦熱二首

示病劉松殊不飲爍燔汗眩兀如癡塵囂堀堞東山扇汨濁
祇慙叔度陂茗汁粟漿迴渴夢大門高屋憚炎曦生靈惴惴
苗同槁救喝哀祈風雨吹
越吟吳詠兩參商我那阜原儂水鄉赤地千倉待春歎炎颺
九夏劇晴陽雲霓不族訟風伯雷電暫勞驅畢方獨臥嗟咨
龍伯嬾夢乘天駟灑淋浪

題徐師川詩卷一首

學究村村自謂賢西京涇渭派淪漣古人聖處工研貫新義
阿時力洗滌炳闊多聞包宇宙閭寥餘韻出蹠筌飄然徑造

騷人室老憤應加視後鞭

不雨一絕

雲將礮車來禦敵雨師箭鏃插于房西成一顆望千滴跋扈
朱明未可量

校讎古史二首

炎犧分紀致先秦散脫前聞待發明處士妄談紛戰國專門
阿黨蔽西京塵沙滌蕩川歸海故實符同史與經夢奠老人
遺意得摩天匪刃不留行

貌從周孔譏誣偽臆斷詩書悉抵牾悟鑒精明原本末討窮
商略較錙銖所存偶免隨秦火不喻遺忘笑漢儒理勝凜然

詞旨達知音儻遇聖人徒

次韻范才元中秋夜

常娥偕婺女萬里玉京會雲璈閣未終莫靄黯愁對真人一
聲欬開闔隨霽晦寒波揚廣廷清光一年寂頃刻人間世銀
色化諸穢法士屏盃杓癡兒戀珍貝皆言此宵樂復欲何時
醉蟾宮正植壁星潢亦委珮

晚秋偶成

生涯一笑槁梧橫葉下寒波收潦清金細露香花近信乳泓
雲撥酒新萌岷人罷賦家四壁洛客懶吟棊一枰流落麤踈
分樵牧故人衮衮任公卿

僑居

買僮賃宅愈迂踈穎士皆能講舊廬典學前聞質郊子天人
定勝取申胥未應孤負囊中筆粗爾消磨架上書借問芬絲
誰任理豈惟短髮每晨梳

次韻伯父茶花

烏侏傾藍雨春霽瓊芳入眼霧冬昏一枝膚雪壺中曜靜几
低窻養晏溫

真態妖香自不言斲冰修月妙無痕直須嚼啜松風益豈患
詩魔渴醉臈

坐消床月肘生胝，寓目危亭汗漫期。
奄靄煙嵐客愁絕，高明
茨葺屋云誰治，城廛肆吁吾有近。
市塵囂嬾汝移金剝，仙梯
霞侵近雲駟，風馬往來馳。
鶴鳴華表青田志，鴈引邊沙朔氣
飛。越北燕南紛會解，愴音憬俗寢。
相知藪丘水竹揮毫助友
愛，朋從攝袂隨老鈍。貪追仲宣賦，達生不泥子長竒。

陳翁妻何氏挽詞

馴和乃宗競，攻苦更家豐。
不失烝嘗職，無非女士風。
南陔泣笄冠，中饋歎光鴻。
夜績燈誰續，承承錫祚隆。

潘舍人求父朝議挽詩

紫微內史世常揚，鶴髮尊榮侍膝旁。
桂籍建枝皆挺特，蘭荪

六藝競芬芳，雲霄門闕公候拜。
藻芥淵源典冊光，水擊三千
由積厚，天資九十恃康強。
青衿縞素行師服，輓鐸謳吟廣柳
箱大啓新阡，高冢舍義方。
不羨竇家郎。

寄呂德元時為督府屬二絕

稍費江南萬側釐，多騰符檄喻亡齊。
寬然折筮可入汴，已見

栗姚擒日碑

祖生晚節並劉琨，獨免聲消賈謚塵。
虎士淮淝初小捷，謝庭
蘭玉絕常倫。

靈巖寺偃松一首

直哉十尋幹，亭亭無附枝。
紆哉獨縱肆，蟠據何離奇。
垂髯鬱

千霜蛟臂犀兕皮揉剛為諫屈至高而聽卑攀玩几幾曲凜
冽英雄姿傑卓矧尚同擺落造物為進乎繩繆外詭異有所
施激耳奏竽瑟超世騰龍螭橫秋老氣逸軼材那絀羈高可
容冠輿清甚生冷颺先容器萬乘愛身恐無辭抑抑衛武公
逮下文王妃筇竹與酒壺掛空憇寂時客來秋冬際狗駟車
雞栖有僧翠拂擎跣求此詩

送韓少汲萍鄉尉

大門人望舊旌旌嶺表瀧頭鑿錯刀中饋從誰合紅卷郵亭
自詭繁征袍青衫九品非君愠黃卷連車慰我曹蘭蕙滿山
山水縣遙知放意詠離騷

讀范龍閣五丈奏議三絕

撫編屢歎才謨遠蚤歲升堂拜若人疊疊聽言皆破的龍蛇
蟠屈負經綸

奕枰著著窮幾變庖刃恢恢中會通世俗吏能那並比汗顏
血指竟何功
九原英鬼誰能作規略千條殆可尋佐佐艱難揣夷狄似茲
舉措好為霖

題南園一首

妖嬈十五餘青春破瓜初婉膩詎如玉凌風素雲裾鶯燕妬
聲實窈心自有夫取憐逆萬目白地腸應無惶惑少年士逐

麋不顧菟傾囊買消渴借問誰家姝

送都屬八舍弟桂林買馬一首

夷德貪婪漢財賄莫惜金多能使鬼噴玉難拘伏波式上駟
超搖獻天子子今叱馭湘南喬桂嶺下下復高高鳥驚獸
駭征人喟當官官事從容理思馬斯臧由此始電尾風駿未
平齒絕壑蹕山如歷塊執驅效牽髯校尉槽櫪經由書殿最
謝公揔統修戎備二柄德刑兼兩寄不矜吾黨愈推能宵旰
潛心活國計雜沓英豪乘虎騎日關神州一百里

望道一首

少年相尚依阿語老大迴者不住心望道尊師豈盲進憂時

論事敢浮沉侏儒飽死嗤方朔懸磬飢貧類展禽好古宜交
魯衛士幽風咀噍有遺音

踈嬾一首

妨人作樂屏書籤閣筆無情復強捻執御祇應曩規範鍛金
不假別錙鈔鈴花開咄咄人清苦鳥嘒聲聲夢黑憇出世世間
皆有道糟醅舖啜量難兼

臨雙溪一首

汪汪西步桃花候去去南巒蒼狗雲日煖汀沙牧人夢春嬉
鳧鷖野夫芹繚鄂左右交流澮彼岸煙屣漲梓粉頷首悠然
辨真趣會心比況有奇聞

憶京雒木芍藥三絕

熟美酣馨迸佳瑞
暈稜紅碧化神工
根株肇自韓郎染
葩蕊
人問一洗空

沉薌亭北壓欄竿
眩耀熒煌障幄寬
不薄官梅伴飛霰
只饒
蘭蕙楚騷寒

廬陵涑水携參佐
媚紫嬌黃左與姚
何物山丹銜流俗
雒生
懊惱愠蓬飄

睡起一首

身將抱耒心書客
拊髀只今髭已秋
滯念生緣寧故我
濟時
及物勉前修
勃磈行世終剛介
重惜尤人返自求
塞馬未嘗

矜得雋湘援不在較
羣猴

送才元長樂倅

東省西臺除吏目
軼才勿謂得途賒
孰云相貳徒勞職
政恐
東南弗復加常袞
頌宣禮翹秀仲翔
好事走幽遐
口占十吏
傳州檄指畫千條
靖海涯
榕木覆街飛卓蓋
荔園供餉赫凝
霞政平頌簡清如水
能賦登高墨似鴉
咻彼夷音姑洛詠
歸
來越橐換吳娃
摠衣岑范欽高致
談舌瀾翻潑貢茶

秋夜聽雨一首

蕭騷閣響空階滴
復值幽人對榻時
旨趣逍遙稱漫叟
鋒銳
扞格愧神銜願摠
謝萬令閑處實藉
陳平屢出奇
心境卧輪

非別伎少年狡獪赴無爲

廛居一首

廣輪函丈中唐甃安得青松栢篠柶蘭菊葵荷聊代置烏烏
鶩鴨粗相諳中田他日規蝸舍諸嘯白雲縈翠嵐耕殖自營
天韻佚世芬妨道豈宜耽

簡江國韓尉謝珍惠二絕

江國繇蠻登俎味弱缸漬畔糝鹽醢坐愚糜殞追時好嗟汝
頭臚不自知

獠羞蠻錯儒庖奪熊掌大嗤牛尾狸飲蠻羊膀與駝蹠芳辛
咀噍半酣宜

李監廟求拙軒一首

鐔巧累瓦甃凡席面春叢林塢純真趣衣巾質古風寧非迂
叟合豈與漫郎同不巧姑云爾何妨詩更工

送趙憲御史赴江西三絕

崆峒日煖嵐巒麗章貢桃花春漲豪避傳封人候驄馬道旁
武吏各韃橐

賈生纂著五十八元歎風規自伯喈貪吏革心寬貶坐頑毗
耒耜不椎埋

冷坐從嘲餅井眉俗流淺拙更忘遺道鳴庶矣多聞力建武
官僚舊漢儀

寒食後出郊一首

澹沲東風酒一卮
笙篳鷄鞠傲春暉
綠波泛灩心微蕩
邃苑提携手未揮
羅靡莎長縈冶步
猗儺花亞冒薰衣
桃溪飛彈游童過
竹塢聞棊道士歸

龍翔真歇和尚求詩贈一首

象骨巖居閩府教
江海兩封黃紙召
孤雲自南仍更東
阻覲堯冀友廊廟
譜通明論毗曇經
一佛出世祇為人
凝師白傳有真契
鑿齒彌天必相值
河漢滔滔渺涯涘
三反九折時游戲
登屨躋堂累千革
鉤雷激電非思議
毫忽微差失大千
同盡鴛鴻與螻蟻
菩提一切皆具足
刮膜分光誠豈弟
體味龍

宮七佛書盧老面目云何是
餘生流浪無明窟
迴首塵非塵自巳季成鬼眼必見窺
和璞妙筭應不遺
大士知言善呵蔽
朝聞夕殞甘如飴
疑蛇一祛病當愈
識路還家要有時
金華士女涕泗流
胡為決往龍翔游
是間雖住亦非住
奔軼常行祖師處

送富樞知三衢三首

琳館屢青書
帶草壘封荐
捧紫芝泥寅
車暫此紆台
紱黃閣依前執命珪
表按山川袴襦內
勸農雲水插秧齊
論毗國是惟公躡令順
民心不曰卑

代天襟量服英髦
能扈王舟出海潮
輕重裴公陳梗切
安危

汲孺絕塵招吟牋訪古羊騰石奕局行春柯爛樵謝傳不應
丘壑尚絕塵機警冠當朝

山林引避一無求迨返巖廊豈自由聖主尊賢載謨誥故家
紀善付春秋公誠願將朝中意密勿謀先天下憂臭味久令
參籍湜斐然攀賦畔牢愁

示兒子詡

屬詞更聽三年後為善須無一念乖孔里高高若崧岱論思
積習見巖崖

送中書潘舍人省上二首

紫微鷄省待論思少作英辭寤東竒高浪駕天翰朗漢紫霄

即日奮長離然明東里今同道德裕封教適此時應笑迂慵
畸已甚嗚呼鶴嶽綴蟬枝

亟紆多難一群心惕屬咨嗟惜惻深漢制春溫勸敦本周家
夙戒豈無箴該淹伯始萬端理煩悉姬公五誥尋愈近清光
綴經席皇風如玉亦如金

訪鹿田二首

隱士雲凝北山麓將軍樹竦碧崖寒烏捷戶富犁千畝蒼筤
梯空擢^{萬竿}犖犖馬鞭貪快睹森森僧席飮竒觀未應泉石減天
竺自古英靈招考槃

夕陽紅曬梯生粉曉露凝清粟脫蓬樂歲人并虺坻飽高城

地隔馬牛風禽龜天籟互鳴轉林薄山屏競蔚蒼採杞擷芳
薪水暇吾從龐老興何窮

武林春日二絕

越羅初御柳煙深慵病相從老見尋酒罷塵盃膠燥吻春無
顧藉一分心

何人疊疊共揮麈看物娟娟散百花不箇中吟落蕾久晴風
日漲塵沙

邵公濟求泰定山房十詩

下馬橋

泉下顏光祿二紀瞻馬首停驂肅松檟風節應不朽

邵公泉

源深派河漢蹙蹙尋常窄嗜艾借甘滋無涯君子澤

襄勸堂

易經傳父子前後弓帛貫衣鉢堂室中千古發潛秘

松門

晝局熟鹿守晨啓素鴉馴延陵掛孤劍吳月照峩岷

采薇洞

以心為形役徇人失天真蕨薇與杞萁求仁始得仁

盡山亭

蟻封于何險醯鷄豈必嗤須彌一目了亭中大然之

懷伊亭

龜雒儼如故，玉靈誠有知。歸艫帶江海，澡濯我清伊。

柳陌

輞川題作浪，武昌栽屬官。愛思如孔楷，茸髯擺竒觀。

桃溪

懷仙津步翳，凡聖隔兩塵。長統植園菓，老幼分甘珍。

竹谿

側生昂九霄，蕭森谷量輅。谿嵐翠欲滴，塵外稽阮趣。

避暑山寺二首

瓜瓠成時肆割烹，芡蓮相屬足逢迎。掃寬堂廡囂煩解，汲冷

盆壺類濯清。畏景賢愚殊苦樂，涼飈徧灑不堪名。倦禪謾許，
絺衣掛秋朔，逍遙竹几橫。

冷澈鷄蘇水，踈涼蟬翼綃。山林等袞燠，江浙劇枯焦。蔭暘恫
生聚，吁嗟訴沕寥。乾坤碁鬪劫，終局筭虧饒。

六月不雨至七月中自寬一首

宿春僅有憂，將竭嘉穗連。雲委嘆暘厦，屋珎臺求暫。寓桃笙
葵扇殆難當，荷烝蘭藉看。谿澗藉脆萍，馨飯莽蒼龍。火西頽
已辰，決何時得見雨浪浪。

千葉白浮葉一首

嬌酣擬誰似，韻甚莫為憐。矧肯媚塵俗，誠能降佛仙。洗君凡

眼肉嗟汝淤泥賢三六駝顏侶盪舟從妬妍

雙溪集卷第三

雙溪集卷第四

古律

僑居一首

忽忽五十化已往固莫及祠官閭中隱歎歲尸糝粒毀方非
瓦合知百無伊鬱世悅鄒駱馳我賢揚執戟浮雲儻來寄最
貴非儒術塵緣且復且只爾殊易輯古人學易年所愛豈兒

劇

歲晏即事

磴霏白雪春雲子盤摘黃金割蜜房組織翻騰不停杼芳甘

眉山蘇 籀 仲滋

醞釀饋先漿西成僅有儲困窄中土纔歸寘枕康教賜宗盟
旌德剝扈陽珍木蔚葱蒼

連雨作寒二首

三盃卯醞雨輕寒鼓腹朱儒恃縣官樵指汲肩親課督僧籤
禪榻謝雕鑽龕燈危燼挑停爻編秩雌黃點點乾未許漢陰
修渾沌周詩三百近研觀

未應牢杜敬通關寄傲足怡元亮顏冗齷几庸何異目麗踈
潦倒幸投閑平生那識賈三倍晚節猶窺道一班調燮裁成
真大治茂弘先進實非孱

擇鄰一首

天然齷齪千金子憬彼儉民亦有徒蹴踏惟應怯龍象灌輸
何足計錡孟神錐曾見汝潁士道韻也欣山澤癯栗尾著書
趨聖處老勤端恐負師摸

才難一首

建安謀首先文若武德機神重伯襲此士不妨門第美于今
景仰太山高卓哉二賢強百萬何較九牛於一毛異代愛才
尊尚意紛紛萎腐見兒曹

何武翼挽詞

橫槊褭神佩追隨井鉞軍周旋圍徼最首虜駟書聞幹權承
心計汙邪續力耘門廬必高大訓子擴儒文

簡常次立一首

文章塵批懶詳論，吏術麤蕪味舊聞。
鈇億康莊輸軼步，精強省寺稱公孫。
咨吁國計神資略，嗟惜戎容壯扞藩。
咄咄書癡公事間，蟬鳴官柳夢餘鳧。

朱亭伯改轉見過一首

三就可憐繁馬頰，一鳴須信絕鷄羣。
繫維才駿殊旌別，籍甚名聲奈耳聞。
浩渺池庭輦鴻鷺，騰軒館殿擢蘭芸。
相容歷稔逃詩債，大白惟當浮勸君。

守局一首

悠悠踈逖皮冠守，朝著於何寘漫郎。
不計少多鳧藻汎，豈懷

吞啄鶴軒昂，執輿投刺初嫌鬧。
視蔭言歸久，蹈常飲酒讀書私。
務爾渙然意，喻俾言忘。

觀閣梨庵高樹梅花盛發一首

矍儒花被戒疇昔，井眉箴危綠擅丘。
壑攢叢薈弁簪，慙懃蒔芳塏。
浪莽縱踈森，迥映晴空馥乘凌。
陰霰任狂雋，縈栩蝶尤物。
富芳心玉蘂，真人馭鈴齋。
水部吟燒燈，助斜月吹角伴橫參。
樹下幽禪觀瓊蕤，政糝襟。

退士一首

賢賢高哉古黔婁，獨辨真趣肩夷由。
市朝慕誘吁競求，求仁丘壑良遠謀。
白雲抗志耕平疇，炎天葛製冬鹿裘。
避逅孤豚

笑肥牛撥刺，廉魚脫金鈎。堆鷄曳尾，憚俎羞鷓鴣。一枝絳餘
麻，楚楚奢靡。翔蟬游下士，闐然媚俗流。嗟嗟此病云，何瘳淵
源友尚頽，軻儔襮。有暇從菴講，形為心役無。深尤貂蟬夸，
詫出兜鍪駟馬高。蓋憂人憂才，殫力盡長不休。上士凌霞宅，
巖幽千鎰鶴書，那轉頭。

祝舜愈少卿示曩歲葺蒙園陪游風什一編不度枵踈
上塵二首

清沂雩舞蹈，前模風詠先生于。為于論述殊堪露，門呂鑄摩
已化兔園儒。臺評公雅，銛鋒鏗杖齒。袁遺抱筆觚，草木溉培
裁畫暇，忘憂蘭桂富芳芬。

筮仕梧生繇，莫京溫清一畝風。經營南陔絃，誦給甘旨北闕
簪裾負屈聲。秦刻唐刊儲墨妙，齊衢魯廟擅文鳴。建安正始
源流遠，詳味風規躡玉清。

夏日歎二首

犀空冀北食場稽，蹙踏崔嵬憇鶴臺。泉石係心終眇邈，炎蒸
爍體縱恢胎。蒂懷寓眼勤呵咄，專氣怡神願力陪。公館亦須
延異士，珍包竒醞肆筵開。

褫絺肆簟扇，忘閑輻擔肩。頽走市闌湫，隘鼃蜩謹。嘒裏掃除
風月廣，輪間曷去時。燠長無冷却，謂天高只好還。傳癖詞源
粗起軼，擬如梅尉樂吳山。

休沐日

洗硯酬緘復論文金書瑤笈已忘羶
葷搔頭冷枕遺簪弁澣垢
涼床潔帔盼煬竈篔簹門無量燠
夏畦褐父若為芸鴻飛遵陸
搏寥廊鳧鷖胡然顧澗芹

覈實一首

窺見呂臣非奉己可憐甘茂取宜陽
敢晞激激蘇門歎老去
悠悠孔里狂公利噫乎入私帑
濫吹竊爾耗官倉座銘枕机
槃盂警九鼎何心斥彼甌

游服者二絕

墨綠螺青金翠耀鬻謳沽笑泥娛
遨茲辰儻卜吾髯夜陶寫

醉醒雙鳳嘈

畸情灰妣妙齡懷佳月澄虛適與
偕隱几噓天喏然趣叅同
九鎖啓仙階

園人餉菓

紫絳李揚盧杏黃紅腮脆碧磊篝
箱春風媚世葩華過夏日
薦茶冰蜜嘗瓜步它時邵平意木
奴晚節李衡穰君看釘坐
百端輯腐蠹蕭然自弭志

送程孚叟知歸州 建平

岷江浮萬里吳嶠駐彌年笑理歸
艎去牢愁失眼前德門桑
梓盛佳郡鵲鷓聯委寄叅羊陸
宜知備敵先

東都人陸海游集若為忘筮史同微貨僧坊共小涼卜鄰栖
輦轂返旆促囊裝巽坎知人意奔騰達侍旁

山齋閑詠

仲氏新裁汝南諾元昆聊艤巨區舸一竿暇豫臨流賦五詠
荒唐處士歌道號散人宜拜表朝班都士好鳴珂染髭膏面
誠牽勉老矣迂踈可若何

徽宗皇帝挽詞二首

朔駕虞巡陟南沿禹會幽詒謀開上聖多事酌鴻猷道妙仙
心廓文昭帝作優秋風舊汾水海岱忽藏舟
大器提擎力懷生渥澤滂本枝繁盛衍禮樂懋容光脫屣吁

勤倦置郵辭慨慷申胥不為己定勝^泣穹蒼

林少伊直院母夫人柳氏挽詞

英英批鳳傑遺懿誦高堂淑質宗姻慕慈憐壽凱康委蛇嗚
夫子勤苦養尊章駒隙八旬促蘭陔愴隕霜
遐年昇東榻流慶羨停儲弔者九臯唳幽夫百歲居魚軒川
上逝石窳墓前書絕妙斯銘勒寧惟崔蔡如

聞鄰娃酣謳一絕

冶蕩淹嫺誰尔令五陵妍駿可憐生蘭堂委巷喉呀轉信有
秦聲非越聲

秋興一首

進賢譁玉青雲侶十二陽秋閱城府飛鳴衆裏何少多根塏
道旁誠李苦肅然注仰耆浮圖珍重誰家木居士袖章陳列
有倫叙終更右移聊改步貝多小品老耽伽高屋帽簷持論
古丹青簡素寫真行茗醞菴膳頻草具俸清不足賤貧交雨
潦涉旬魚躍釜時書撒尾文昌臺月曳敝裾槐棘府昔賢浩
歌金馬門或亦簞瓢松菊主空空自笑兩端竭志願不應惟
阿睹初平兄弟珉眠所山下逍遙返民畝大道安知利與榮
唐彬何人高此舉

賦叢蘭一首

楚郢都梁竒韻佚嵐溪雲壑初何僻根帶條琴玩九春葩葉
尖萌碧逾尺蕙轉東君溢寵光露浥清華煙染色蒼勃天芬
透綺踈英蕤綠艷魔捺客滋滌九畹不因人無際幽深來響
屐三嗅書為帷嘗涉獵滿把騷人安忍釋映俎垂筵紉委佩
斲苔徙檻芳盈室燥虛黏膩俗塵芬祛病析醒偏漚鬱猗猗
不採亦奚傷雍容屈宋無倫匹賞慨年芳次第菲輕重憎憐
從結習辛夷為塢薜羅門莎茭蒲蘆類非一庭中絕出忘憂
右差等水仙誠莫逆遙知取妙嶺頭梅適口和羹似難及更
與丘明評國薌后皇媚之殊赫奕

次韻陪諸公湖上春游

渠儂青門道冶服遨蕩儔一醕逞鷄鞠聯袂歌願酬太伯表

東吾李子居延州湖山號佳觀籃輿肆優游看香炙亦熟只
有空罇憂娛賓不計費拘士損牙籌詩盟得首唱有客如此
不挈壺并琴奕松石巖湍樂境勝屬幽人谿雲俗氛却洞穴
鎖蒼霞探竒或云莫不聞古肥遁靜極還思家高情縻圭俎
心迹何由遐畸人告予言黃庭老生涯臧穀兩亡羊初平隱
金華

次韻孫邦求少監游劉園一首

權使將軍勢不行連雲處鷲鳥烏晴池臺溢郭鑠扃固林樾
半空甍棋頽席帽揚鞭來看鶴綺踈褰幌政聞鸞賀蘭清海
勛名事雅意未諧幽與并

勾龍君貺求所居垂蔭亭岷堂二首

葱蔚敬亭非索漠幾希陶宅遠扶踈江山壯觀惟人助祖禰
高情陟彼砮雄筆仙才鐫勒見屬車塵界默存書柴荆雖掩
漁竿掛旌戟峩峩表舊廬

岷陽英傑古賢鄉侍史香爐今望郎東擢欲書丹鳳詔夢兔
勤到碧鷄坊已應盛美標其芟不比畸人愚厥堂宦牒隨江
歸碧海讀書源派亦誠長

眉州禪僧一首

吳蜀跨萬里余老師非壯勉哉令修行手書勞四枉性命吾
基本權譎初不尚蕭條寂寞中咄咄祛礙障面目認誰歟湛

研澈盡量去為遠玄旨比喻非實相愛河澄不波苦海永無
浪封執即黏綴淪落嗟滉漾法流於河接焦涸吁斷港情塵
欲忘世疑網愆吾黨凡心非道體志帥疑不喪瞿曇與老君
一訣歸至當邈乎盧老前古初更遐想燒香僚霄極癡絕堅
願望么眇蓮社遠蚤接淵明放保真未易了伽語庶倚仗

刺少年行

重仍印組矜蟬聯豐屋藻并松栢挺金鈿翠屏珠串箔掾燭
高繁玳瑁筵熾紅麒麟沉水燼鳳紋錦褥須彌氈瑣窻犀按
銜珍具瑤瑛紅珀瑩盃捲兒擲鼻盧喝大采婢名素玉花月
煙驕世華腴詫豪舉兩得仁富宜兼全朔雲顏巷積深雪斫
九天

永嘉周道人求詩一首

氣昇期汗漫世法一黔婁啓鑰因師旨咀芝從祖求肆言諧
律呂不夢本精修玉室金堂邇飄飄竹杖游

調王季恭省幹

治幹怪君呼滑八話言明府取王丞九臯未省山雌雉三窟
不逃秋角鷹僮鬻斛珠如許價官居鼎鉞最難勝孰令手版
投耕耒苦慕如湯厭若冰

示施又新同舍

華髮此些似不公辰申齷齪有何庸力拋羈絆片時適談詭
槃筵一笑烘山剝汲壺茶可點匠人礪斲事方叢麥秋梅潤
霖淫劇旅沉殊諳干越風

節婦吟

君不見迥妙殊憐世絕塵脫足褰帷韞玉人藕絲帖體沉香
熨清瘦纖柔傷九春勒芳戢翠妍無偶嘖嘖拳拳徐叩叩潔
餒何嘗羨汙飮令淑專貞絕難有綠樽翠杓稽留舉林下閑
情風韻度單羈拋擲幾星霜瑣早脅脅蓬茨伍里鄰數嘖詫
又誇僖翁詎堪眉介加想當然爾霸勾踐豈埃再顧傾夫差
不玷慵來粧

解罷京局一首

雲霞攏抹振瓊璫。舊襪蕙轉婉清陽。此翁南郭坐忘趣道眼，
運水擔柴力分遭挾持。泥古小儒勞浙潮。屹起岷峩上越巘。
遮蟠江海滔一葉鷗。湍尋婺女半生瓢。沉信魚舫曩時瓜步
從容侶好糝藜羹。待共輶

甲子歲七夕與伯業伯衍游龍井聰老出示次韻邊校
理詩卷奉同雅趣一首借用嘖字

道隱祖風邈訥齋重葺新猊嘯下獸魅神泓躍鱗緇郎踵
教律梵夾畫金銀幾岸風篁幘屢鈎崖峭紳頌詩傳正眼擊

節富其人^漢沔魯淪碣長康工寫神思艾在封植春蘿容抗塵
韞萼秀多褷茶瓜經幾巡休休墨儒行汲汲宰官身欠伸白
氎褥翻倒明璣困蒼褐嵐煙染心脾草樹親憐君深鍛煉公
鑒褻老頰

秋夜雨涼一首

寸念微情浩莫緘此生殊闕住山庵老懷釣港伴侯喜道契
濤江見陸參調氣從前深造孟名官蚤欲問於郊家書時煥
何曾讀整頓塵編拂白蟬

次韻趙德載大監餞行之什

君不見畢毛召芮強周宗亮天不朽言行功間平歆向漢人
望道宗孝恭唐治戎一時入相九才傑白賀胷中五色葦聖
朝舉親加東擢封植教誘從元豐蕪臯卑飛華岳隼鼓車暫
屈翔麟驄召還喻蜀監王國三雍入對文清雄昨者臨分勤
造請是時暑退火星中公瑾之交似醇酎吉甫之頌如清風
博山麝炷玉鎮席翠壁雪乳金塗龍小人自分悠悠者裨謀
謀野淵明窮急觴高詠鼓英氣颯然危冠髮上衝端敏高明
必貴達果信頑鄙根中庸

送陳夢得省闈一首

棘闈春晚鑠南宮文柄伊人掌握雄巧射穿楊驚破的克家
長箭挾良弓懷經負笈雲霞集出手成盧月桂藂玉殿賜袍

黃紙詔布衣馳騫黑頭公

踈嬾一首

省寺周行占姓名老耽攝養道幾成生緣瑣屑同甕筭居處
閒靜惟餅筮求已洗心祛習氣知非窮理勇移更鴻生彥士
乖游好道秩禪流諧此情

題善草字者一絕

獐獍包羞爵秩加輿人捧腹只呀呀踏搖妍狀當壇手如許
銀鈎殆可嘉

元夕

瑠璃萬寶通明殿珠翠千層畫樓匝地薰天月燈影撼山

填郭蟻蜂稠浚都平昔金鰲峙雍幕尋常錦幘游今歲山城
索朋侶屠門酒醞夥酣謳

春日郊外

蕙路桃谿浩莽春彤蕙拱楠曜芳晨衣如方士客閑劇園號
儀同勢絕倫梓幄桂旂端解賦橘藩篠塢孰為鄰畦畦薑芋
葵萋蓼物物蕃滋輔主人

飲東窓一首

丈夫蘊挾胃懷竒浩然幅鬱千虹蜺俚儒婉孌習和雅竊笑
胡為餅井湄奈何平世事蹇蹇竒士矯犖矜玄為伏波不屑
兒女暱馬革自詭排羗夷叔子逢時經廟略入則造膝出詭

辭燕公異禮集賢殿筆削金泥玉檢儀賈生前席觀宣室立
談痛哭纔幾時敬通杜門老著述言溢千紙罔設施抗麟黃
冠遁兵壑一旦端委偕龍夔愚生尚友千載後讀書探道無
津涯猖狂置章留黼座腐塵潦倒曾何裨世承朝恩萬鈞重
省思此去酬毫釐

送蘇念八郎下第西歸梁益

金昌亭下泊舟艫木馬關西趙郡蘇建鄴魚飧武昌水延陵
臯壤霸王都吾髯軒軼登樓賦汝器切磨清廟瑚刷羽三餘
鴻鵠舉亨衢甲乙看先驅

臧阿一絕

不瑕彭澤願言中都治安年慧則通揭調郡齋賓孺子臧阿
猜粲駐芳蹤

次韻李次仲赴巨山張舍人招贈之什

君無吟秋草螢飛而露濕曼倩古豪英羨門深技拭五難背
生路九鑰探金碧烏龍因師指龜峯森郡戟張羅候鳧影過
客紛如織子房河上翁揮犀高讌席噓呵棗如瓜肉眼殊未
識西母掬露醒東王漿霞赤至哉高尚公著書不靳惜髻珠
曩許學玉版援金筆仙階三洗髓短生幾兩屐峇峩法身像
裊博烏沙幘焚沃覲有遭稽首悲涕泣妙訣付神水惘誠如
皎日升降摩頂踵抽添而損益勞生息奔迫頽齡飛鳥急希

求九陽聚何憚一千夕近期赤水中先覩玄珠得

冬日即事一首

蠟炬五萬酬鞭直併統百金真食封蕭散不萌爭鬧趣真醇
繆觀養生慵滌清研裏慙凡筆磨漱鑑中頓窘容賜早元冥
僭春令狐裘羔酒貯嚴冬

送孫丞法先池陽二首

擣粉里中契年輩愧君先德邁華腴裔才優若剗然牛刀恢
勿擾馬首峻高遷交薦諸候鶚藍田崔未賢

一薰襟趣暱摻執便它邦書劍搖煙艇鴻光醉綺窓縣僚迎
節蓋齋醞綴羊腔器宇青雲士能名賦練江

李隱鄉名谷與青城劉翁同舟至蘭溪鄉大夫修生者
館之道侶贈李詩云李郎涉世似虛舟片帆來渡楚江
秋之句又毗陵家弟李文和此篇云夢蝶豈知真是蝶
騎牛何必更尋牛老夫亦慕道者次韻和之記劉李事
迹劉本書生工詩奇異飄然塵外也

白公枉識郭虛舟劉李飛符袒劍裘興軼壺中身混世氣酣
酒裏意橫秋運調朱鳳啄白石耕蒔金錢掣牯牛赤子返真
標指妙阿伽陀藥肯言不

劉吐丹千百粒示人
遭毒藥不能傷害

韓省幹子平薦章應格朋友漠然未知忽改京秩作七
言近體一首賀之

山雌澤啄競騰軒孰有昂駒局短轅造物至公殊弗置窮交
未喻枉焦煎鳳批一諾膺天陟馬頸三槃朝日邊虎鼠獰虺
隨秉筆銓曹常格勿從旃

縣扇偶吟一首

擘雲擘瀟寫蘭亭泝統娃宮筮柄成皎潔中規指月斧清雄
消唱並桃笙玉毫躔內乘鸞女冰鑑光中墨客鄉愛惜御冬
充便面辟寒撫勉燠屯營

卜居遣興一首

老嬾清吟口角鈐任真虛一性安恬士農軌範一身任孔老
窮探兩者兼齋舍晦晨鷄弗已翱翔晚節蔗彌甜平生緣業

今何憾佇返神鬼倍蓰添若箇生涯論屋穀課催童子具醪
鹽俊游稍謝出囊賴道念常嗤隔日店擬古紕踈何柳骨攝
生精密必張髯鶴軒發興從譏晏鴈塔乘時定合尖

張髯方士也

卜居漫賦

肆習素未豐摸索強剗裁銖黍稊聞見諄吃奚述哉三捷黜
踈慵湛潛散郎偕望道幾何高人事寧免乖眼中悠悠者樵
牧供談諧披卷想前芬翫麟無敵才功名不復朽縈觀竟煙
埃幽幽畸人居黃花薦醪醅所求一日富不足語時儕寄言
繁華侶莫嗤鈍如槌

叅雲亭納涼小集二首

設醴茲晨邀飲時四圍青峭互巖嶷素衣隨牒何曾卜餌藥
銜盃稍信醫短舞不妨擊菡萏談諧且勿負玻璃老夫直轡
循吾範無使斯民有以窺退之用
頗黎字
踽踽迂踈彼一鰥息交絕學殆頑顏時儕儻獲多謀助少作
曾希長者刪餽犬孱尪玩逋竊轅駒牽踣曠尤瘝那無上術
蠲人瘼盡戟臨江城負山

後數朝復依前韻二首

下國官臣無懈時矯然白首矚嶽嶷鼠攘翦滅雷霆令魑虺
蕭騷霈澤醫廉袴移文謹鈐鍵蕭齋絲管覆玻璃燭闌松桂
冥冥霧赤豹文狸不窺許

恤患周流喜逮鰥當官掣肘汗慙顏預虞飄兀筏能駕取次
耕犁手欲刪月窟日畿遵駟置燕南越北洗恫瘼一廛清佚
陶元亮萬斛閑愁庾子山

仲秋較試淨惠精舍會者六人約重九事畢置醴湯鞏
謝方以詩堅約次韻酬之

稷下銖銖鑿擇分品評一目百知聞初矜月殿揮毫賦直到
龍山吹帽文邀勒公榮狎嵇阮薰塗媼媛侍淵雲塵驚珠貫
織羅襪吠酒銀篋不怕醺

試闈即事三絕

鼓士揚桴警五更爨清繁冷旋吹生深衣鄉彥都君子摩厲

三秋街此行

近歲顛門不讀書石文搜技廣該儒立言不朽非吾任貪叩
玄門隱者廬

一坐據梧床刃消五星競耀燭秋宵掃廳禁近延僧孺孰謂
詩書避賦繇

事畢湯鞏方三君再用前韻復酬一首

妙啜龍園畚少分寶薰婆律斬多聞泥封謗識遵程度棘刺

圍藩按惠文按菊騷人寧避雨登樓朝房氣摩雲蘭堂錦瑟

^笙篁鬧嬉笑嘍謳共惜醺

雙溪集卷第四

雙溪集卷第五

眉山蘇 籀 仲滋

古律

觀胡文恭樞密全集偶成一首

鏗鉉正始音嚴密萃英耆上仁體勛華四方致雍熙文賦鳴

升平十稷 北扉心口爛錦繡欬唾皆珠璣韜涵白圭玷

清風詞興寄擴無窮標望擅一時歲六 嘉祐宥府龍

夔豈應獻納際造次差毫釐百 賢佞評卓絕公是非獨無

許郭術人實不易 東阿昭明惜貝錦尤踈紕猶子後來傑

元祐叅承疑蟬聒襲簪橐孫姝聲華飛婦韓外魯喬稚子甥曰

彌編之勝歎綴緝刻棠梨定評楊謝公遺芳六一碑

送李舉之武博學宏詞

稷下機梭纂奏篇犀通木瘦炳彪然盛朝耆望門庭懿哲匠
宗師典據全掉鞅春闈賈餘勇賞音盟主詫補妍峻登名第
高酬擢臺閣容儀繼武傳

擬古

六州齋榻醞分鶯誰料延平寂解歌蒲阪崔姝白樓少闔閭
吳館冶容多頻煩畫戟凝鄉寢輟選鸞篋挿阜羅勿俾台山
洞天侶眇無劉阮醉顏醜

陪侍知府待制丈中山高設竊聞是日睿和去春林倅

紅樓風什奉繼一首

磴蘚梯飈最上頭挈排犧象主觥籌從容北海能延客酣適
東風咏倚樓獻歲順成當大有名儒過計與私憂仰看鳳德
翔千仞揔領鴛鸞鳥也狎鷗

蒙知府待制寵和前韻又承東湖水嬉之招一首

一聲巧轉柳巔頭半丈紅芳送曉籌天氣柔嘉收積雨林花
稠疊竦高樓七槃長袖重新製九醞空樽詎足憂丘壑夔龍
位巖石何妨紗帽對沙鷗

朱從事安詩挽詞一首

文階王命渥馴侃洽鄉闈末俗賈三倍尤能賑百餒宗盟遵

倚闕邑落舊知潛翳翳佳城鬱鏡山殆弗刪

夏日池上

諦復春秋指祛排日務嬰嵐巒屏郡廨析樾蔭衙城禍父評
丹首幽齋緣督經忘憂葱蒨擢伯雅燕酣醒窈窕陽春唱鮮
鹹臨海鯖惠文除擾害五百慘徒黥卷籍闔還展錢刀斂向
輕珠還鳳儀政他日儻齊聲

公退三首

披文不釋遺編慕耽祿終慙遠賄稱劫劫抗塵非勝趣寥寥
出世有真乘轉頭值寓無窮極措足虛邪粗可勝管晏空憂
覺先物未須薄薛與卑滕

繆筮康莊列大夫沉研歷久到盤孟囊餘佔畢乾螢火家有
凌雲舊履鳧般若初心依耆老參同內事斬儒臞吐音慙訥
嘗聞見邂逅周旋只小巫

缺然資略每區區抑冒揚清小小劬諏律網條思濟理筭緝
公帑較輸儲三科識擢才能顯八計精研吏治孚端有碩生
如杜蕢升堂洗解降除趨

暑雨憶衢州一絕

衣裳俎豆信華風酒聖茶顛倚獨松夏屋渠渠聽雨數尋竹
外瀉琤淙

送滁守蔡瞻明提舉

史家汗簡編年垂掌武集賢籌政機君侯祖烈冠前世內外
貽厥真天資景靈審象丹青炳端靖顯昂席慶基浙港之東
蚤乘駟卓爾羣吏諸侯師云何士元淹驥足留滯太史周南
維淵源濡染由所自甚美而度多文詞猗歟兩祖揭二柄電
凸騫翔天下知奈何恬無進擢慕鈞引吹噓衆力微冷煙橫
雨秋濤外滌邦山水停一麾貧交摻執空里巷截鞞那復留
驂駢氣宇前修令儀範才具時儕高品題綠綺尋繹醉吟操
清流感慨神武遺側廳褒嘉最郡課水衡促召夫何疑車輪
繼斷心自了桑榆稍收宜赴時珍嚮高標警哀鈍鄙哉不敢
多陳詩

趙和叔大夫母安人曹氏挽詞

風規玉邱韻筮醮相夫賓逐子大家懿弄孫東第新百能知
肖嗣八十又三春磬石無虛勒笄珈不復晨

壬申春雪一絕

長天頓改楚雲容初夕依微後攪空點綴柳條紛若絮未妨
梅蘂銜芳叢

龍井僧全示寄庵樞密程公累篇季文弟新什求余繼
其末一首

程蘇中興什同庵有後前前朝沙門首辨淨超卓然耆宿失
聞聰飫參餘小金龍泓風篁巘荏苒二十年緇儂幾換易巖

寧豈變遷亭亭百歲杉泠泠九淵泉梵音擾龍性玄解忘魚
筌有客輦環詭無情施繒錢佛法佇隆興般若須人傳更令
觀刹麗但俾子孫賢三空正覺路一喻實相圓不替人天師
重新演教禪

武林春日一絕

薰膏佩服尤瓌靡聯踏春陽特銜骹十里青樓玩芳月西湖
並舫恣娛遨

勉旃一首

歸一豈應無以返要言湛諦滓於淘大知直截揣摩漸積執
冥迷厭離勞目睫古人曾致論根塵當念勿喧囂主張名教

殫才智王霸蟠煎火上膏

秋冷一首

嵐煙澹澹雨颼颼殘枿折槎陂水頭贖爾典裘扃戶牖饒伊
夾幕悶娟柔葢葦塵肆斗牢落寧潦窮途強釋愁若下浮君
霜露旦豈應虛詫釣詩鈎

漫述二首

理窟孰宗趣卜居忘市闌紆餘力分裏梗概智仁間導引非
茫眇耕樵未擬閑寅緣任俚俗及物念痼瘵

跣趺圍褐越鷄晨灑落生緣治水薪一執湛酣任踈放百家
雜揉識疵醇春炊斷斷西疇稽書記翩翩東甌藐飄兀籃輿

絕畦畛莽蒼更訪隱湛淪

春設一首

折簡王春消勝日執輿鄰曲集僑官
奕娃紅手凌寒怯歌頸
塗鄉訴白寬膏沐柳梅牽屐齒治妍桃杏
壓欄干珍烹鬪賽
携英黠娛老粧樓疊肉槃

惜花一首

豁眼桃紅思聖解襲人蘭郁比修能
面脂靡曼負塗澤繪綵
化工夸斲冰蒨粲芳穠觸吟境艷陽風色
嗾狂朋傾壺簫管
驚蓬鬢沉頓金觥電凸稜

何會卿婦清河張甥挽詩

常念注西竺浮生付六如良人愴中饋
二穉未勝裾妯黨技
紅淚鄉鄰隘衆車金花它日誥封號表松檟

閑詠一首

肆筵無釳器釘壁但鏡碑慨歎慕前躅咨吁亦小知
飪諧棊
酒伴餅遠井泉湄自許義黃上陶然絕曠夷

故孺封曹氏挽章

豪宗 承籍遺懿本馴良夫息遵慈比汙萊化阜康
孟園留
燕机丹篆勒陰堂愈愈垂青紫詵詵慶祚長

春集僧舍一首

繡川藻野銜媯姝練縞穠殷亭育鑪二月峭寒輕
抑勒崇朝

和氣畢昭蘇紺青六幕無纖翳綠綉多疇幾町區居士自携
三味醞緇流叢錯設伊蒲

詩蘭一首

湘纍鞠佩南邦媚天女襟期絕世鄉藝植便應彌九畹孰知
苓藿與詹糖

炎夏即事一首

五詠八吟鑽古奧四豪六逸共周旋隱囊墊憤擘碁局輕筵
珍筌蔭採椽習氣崢嶸談在昔知音推激互相然至哉佛老
儒宗外聖諦冰銷濁火煎

娛老一首

多聞內殖每瞻烏枉把春秋問蟋蟀俗瑣未拋聊尔耳古心
內鶩亦區區繫匏於越壤田薄雙鯉銅梁僕賃痛揃白追游
味殊寡所圖榮綺訪仙臞

塵居一絕

天碧綃幃障鐵牛塵居煩促遠林丘赫炎熾景烘煬竈悵望
金飈玉露秋

重陽一首

籬根金色小正時醅墊風高與節期耿耿挑燈聞夜誦忽忽
刈穗飲晨炊閨娃犀檠香盈把朝士茱萸均一枝蓋世豪雄
健天下感秋應待羽觴治

山行入寺一首

執輿入輦蹙屐幾陟險山農笑卻時屐齒未常先
雍老羣飛久已見薨楮磴扉百步猶流汗觀閣三
休豈易追浪漫悠悠一雞肋角中東路最平夷

近市一首

摩肩躡足吁屠販接衽駢顛坐駟筭巷隘姑名為
小隱賓佳不必有珍肴龍鍾游宦如投未瑣屑僑
民一繫匏丘索典墳心粗遠煙埃咫尺自喧洶

酌飲一首

珠零醇碧郁春槽矯首梅林酌自陶橫槩未應隨
李廣團詞

亦足擬王褒俯從觴詠山陰襍遙說笙篁錦里
邀取次難論禦戎策豈知龜臙鱸鯖臊

春晴一首

高槐湯餅排朝饌嘉菊香菹芼蕙羹早趁墟樵壑
計澆春量腹聖賢并無由屠嚼相親就豈託奇章
侈大烹飄忽紅稠嬰燕語康衢治服炫春晴

往日

往日承承孰為裁誠能俾又固當諧豈云小辯能
迴幹際遇長才力洽談大塊慘舒噓翕頃元明迷
喻唯阿開斗南必有圓機士安得一樽陳此懷

稽山漫作一首

三餐伏豫年其有一醉陶然日不貧
發議詎堪登膺仕費皆
端為速嘉賓屢空蜀信匱囊藥稍
劬越吟追里鄰劉白殊無
記人句竒章高設豈應頻

誘學徒一首

瞥聞立覩且湛研討索思臧義理
穿剖析賴經宗匠手絕羣
羞拍腐儒肩鴟鴞嗜鼠頰門蔽
博箋忘羊失路偏豎策後生
文憲種若為準擬即真賢

編聯偶作

耽飫神竒致思研理趣幽崎嶇由考
倣勉勵似鉏耰明耀鑑
頻拭醇精酒屢酸編聯存隻字解悟
失全牛曷可禪宏議于
何荅彼諏達辭宜駕說典學善宣猷
渾渾窺姚姒專專切旦
丘時王資粉澤天匠不雕鏤愍惻元
元意彌綸色色優雅馴
鑄鄙固切實忌飄浮自古英莖肆于
今都市謳近誰臻壺奧
遠孰擅風流壹鬱窮居氣荒唐失友
愁湛酣及醲郁浸清復優
柔斐綺資哈噓蕪朽寡晤醅不為傷
手斲無取強顏羞管氏
攘戎索元龍高卧樓激昂牽老憊書
劍判悠悠

舊游一絕

慨悵秦關舊儕侶綾袍鞞鞞火鑷囊
南來放馬遵舟楫鱸鱖
西風號本鄉

崑邑周幹辨挽詩

嶷然衷塞懿挾操亦人難唱第芝庭瑞背城逋寇殘傾殫副
王命疇曩入貨官遺事鄉評著嘉言邑里寬

餘醺一絕

梅醞蘭盞芍藥清旃檀娑律萃天馨試開秦趙當年目何藉
珠簾翡翠屏

題劉紫微貢父公是集一首

惆悵欒城舊朋執何殊闕里孔顏徒達生自信誠知命晚節
遭逢德不孤貫悉談明漢中壘雍容通雅蜀相如老成流輩
方吹薦典訓斯文示後儒疏秦襄陽正平手表章天策伯襄

俞明憲集凡一呻繹背癢政逢長爪姑

仲秋苦熱半格一首

老火薪丞鼎竈然柔金低伏聽燔煎虛窻疊嶂攢三崿冷枕
清飈直萬錢俛仰生涯恃林井包纏冠絃晒旣氈朝蠅夕蚋
嗟何集山雪河冰渴沃湔子夜涼生秋思肇午時炎熾赫曦
鮮蔭饒華桷單絺叟嬉愛清川泳月船巾幘垢氛勤醜濯菓
肴剖剥萃新妍芸夫望望瞻雲漢鋌鶴聲聲唳碧天瀑水何
山千尺瀉洗心安得賞懸泉

晚秋一首

曩聞夏曆標花候粗尔陶巾漉酒卮做擬塵編談世諦何人

才月趁時機

潘令度求厥弟令表挽章一首

婉變標儀賦了聰優為郎位奉車童蘊竒處士未王命好事
儒流昵德風姻援烏衣門闥峻款游騎省志懷同克家致孝
鍾全美鳳羽飛翔直待封

藥褚吟一絕

玉禮丹砂寶易知蜨娘蘇合粗孽齊國醫本草加繁志異域
琛來獻麝犀

雪齋即事一首

熾炭雪窻塵簡編慵偎毳被藉麈氈卯晨呵筆冰膠研乙夜

橫琴凍折絃郁郁烹鮮具羹夏浮浮炊餗忍饒涎鬻薪清爨
庖丁粗鼎俎逾時不解羶

元夕偶成

里唱塗謳鏡吹轟軟塵梁苑記前生寶珠穿蟻嬉游肆蓮蔡
然犀不夜城透盃燈繁人晝繡隔羅光醞酒澗清春娃環舞
雲階隘邦媛鮮粧月地行

送芍藥者一首

披猖二十四風花淑美豐融殿百華畀付碧筵頰粉蔡薰裁
溫馥疊鮮葩無言似笑詩魔惱比韻侔嬌女艷加壯歲逐春
心欲謝酥煎靡麗遠泥沙

古語

衿槎匪意稱居士饋索誰家號智囊爲戾青雲莫呼訝鷗逃
炎熱利深藏

寓言一絕

輜眇豈任勝婦職春暎桃落未敷蓮月娥宮額噫神護旖旎
仙舫託使旃

呂偉信求冰花詩賦得兩絕

霰集栢杉霏靈鬆瓦冰鑄畫葉柯葩密移栽化鍾纖巧梁苑
詩盟斲句佳

墨迹扶踈凍未消竒蹤印帑鏤刊雕花宜道韞吟鹽絮壓倒

劉又冰柱謠

樓樞密挽詞二首

決科騰踏無前勇比牒聯飛第一流召直毫端準謨誥甄評
皮裏韞陽秋槐班鼎輔膺榮東玉陛封章究遠猷楚挽淒酸
洩遺恨栢臺金殿望隆優

岳鎮巍峩幕府雄紫青願肯稟趨風布宣條目都無擾求瘼
慈祥綦所蒙宿位樽罍人事改影娥花月畫堂空諸方故吏
多才藻撰紀徽嘉篆刻豐

絕句一首

雙紋八尺展雕床蓮艷方空夜玉香雅秀冰姿延閣彥豈應

簪斷作淒涼

白菡萏一首

嗟兮容曠世冰膩郁妖紅姑射非無偶能言諒不同

潘卿求內主令人挽章二首

擇夫先筮嫁年俯逮期頤周南弗牆面班誠克刑儀陔蘭蕙
豐養中饋失扶持惻慨百金誅君文亦漢碑

戾戾思舊苦月缺白毫光孝懿綽馴習德音寧詎忘委禽流
慶衍偕老誓言荒肖似傳孫息綢繆卜鳳皇

王季海求父宣義挽詞二首

繕性克知命鄉評行實尊傳經拾科第綵服匝庭軒韡萼專

方面良弓補諫垣金坡振詞筆品藻不勝言

里仁巾几寂遺懿滿瞻聽濟美珪璋質流芳琬琰銘帟灰霏
似雪巷泣洒將冰念念存伽釋超超拔九冥

陳緯男求厥父挽詩二首

閭室良規範萱堂子職修儀刑儼惇碩積習肖風流疇曩鄉
鄰援悽淙川逝愁太丘純豈弟慈愛理能周

克家宗從譽澗屋竹林莊情話非前聽門庭付令郎短生風
燭頃遠日隴丘傍紅粉祠堂壁亦應鐫短章

潘令度送牡丹絕句

劇美溫馨逞瓊媚膩紅殷紫疊重臺芳晨華月臨春閣倚麗

凝嬌豈易裁

輩采若求厥父令尹德秀挽詩

東魯懷經慕先哲齋房僻
盛門徒勉陪流寓推鄉校優選
文華慶仕塗議獄虫氓生活路削鋤姦軌亟揚枹遺編疊疊
垂儒典濟美弓裘後世模

雙溪集卷第五

雙溪集卷第六

賦

牡丹賦

眉山蘇

稽

仲滋

河洛之神權輿此竒何夜半之有力刻朝新之瓊枝麟角鳳
觜之續不足以爲固投觚削鐻之割不足以爲機砂點鐵以
成金青出藍而過之何造物之鉤距蓋三昧之密候培栽
動枯枿先知嶢然擢珊瑚之短鬱然飲沆瀣之滋無握苗以
助長忌蚤華而中哀藜幹漸老開花及時揮瓊尺以裁霄縹
金鈿而鑄衣粧未了而半就情欲吐而猶疑發精神於雨露

借光氣于虹霓鳳翽羽而初下鶴斂翅而未飛如誤入于金
谷似尔汭于鄉溪候晨光而潔鮮怯午景而低徊初含喜以
濃笑忽微怒而自持繚以畫欄障以羅帷暗淡月采空濛煙
霏有美一人艷無等弟縹眇金菊之裳嬋娟蝨綠之眉若夫
紫殿龍樓金臺彤池封黃蠟以八貢乘汗血而絕馳天顏一
解四海光輝念其向日遠過蜀葵太平佳瑞許配靈芝至於
箕穎之間林下水湄曄乎滿目野夫所窺我方鐵石其肝膽
枯槁其形儀豈造物之見試視綽約之妍姿為汝一笑而引
滿心亦無成而無虧

湯泉賦

陝西南坤泉滂山澗崖谷焦烈袞沸奔猛湯池烝霧騰寫浩
汗客曰異哉水在萬物其性必寒胡然鬱攸無事燒燔草木
爍爛鳧鴨煨燻匯為澄泓而後可探詰其從來莫克考原余
蓋知之易有太極是生兩儀風金火輪世界執持火光生於
巨海波濤湧于汀岸鎔石成焰石成水賦三伏炎曦温暾河漢百井隆
冬其氣自煖吾儕習俗淪溺情見煮鼎負薪而後晨爨欲窮
理而盡性至中和以推原徇耳目之尋常昧造化之機關是
猶火鼠不信冰蠶也石中之火火中斯泉坎離相濟為湯固
然此山岳之仁氣愍寒士之枯朽假温慈而惠和以洗浣其
塵垢使於斯而產金玉終何益於野叟惟荒山與亂石無華

堂與瓊甃免汗亡國華清貴妃嬾婉之求無取於斯予槁項
黃馘短髮威蕤青鞋直趨老櫛自隨頭輕目明彈冠振衣詠
而風乎配魯之沂

二松賦

商邑巖巖羣山環中膏液外湊英靈內鍾其人黃綺其植曰
松翹翹我室契闊朋從二友志言冉冉秋冬古之遺直本鉅
末豐尺寸非可較量繩纏非可究窮凜凜乎其可嚴憚也如
見大賓如承大祭形鬼竦動圭璋昂顯矯矯乎其能厲操也
如首陽之二覽齊魯之兩翁石忘其堅山失其穹確乎其不
可拔也如辭位之太伯邈乎其不可攀也如憂世之元龍炎

曦鬱攸金。銷鎔冰合九河雪屯萬峯。毛髮磔磔不改聲容。
如藺子完壁怒髮冠衝睢陽蔽江張髯乘墉天籟嗥鳴非鼓
非鍾生三伏之栗冽時一警於昏聩若洞庭之樂釣天之奏
均節跌蕩他樂莫同斷而支太室之壞輯而營靈臺之宮如
良弼之用捨係此邦之替隆雖然待雨露而茂遂積歲月而
強雄世俗尚得而企仰蛇鼠繆託於蔽蒙孰知其筋幹鱗甲
非特據地而摩空猶龍變化乘雲高蹤排陰助陽追日迴風
超乎六合之表出乎造化之工遺琥珀與茯苓貽史附與倉
公嗟夫世人欲速種柳與楓苗生朽壤蔓延楚叢惟二友之
不凡受正命于厥躬相與吟歎而作殆其莫逆于曾

閩嶺賦

習被卉而用夷兮極東南之海山歎造化之瓌詭兮想禹績
之艱關降丘坦其郭郭兮曰無諸之市闐步窈窕經崎嶇兮
獲清穹而考槃陟越王之宮址兮與昇鼓之孱顏惟此山之
體既合別而貫屬兮又競爽而叢攢蔽虧日月兮橫掛斗參
臂趾根蘖兮挿萬仞之海澗上下左右兮夷傾峻巒如削如
染兮奔峭多端惟此山之氣餽耶燔耶迫之難看乍彤乍
黑兮紛郁蒙覆颶氛梅靈有闔闢兮霍然霧除園顧而嶺岈
惟此山之德陰谷冥冥崇朝多雨兮陽坡萋萋綠綺而難剛
孕產金玉兮棲集龍鸞屏鴛却蝮兮庶類以安惟此山之險

天作百隘虎落吳楚兮盜攘固干地脉絡而無感兮海不能

以益寬惟此山之人秦漢蠻夷兮近世衣冠未暇念夫廬阜

兮每帽歌而足酸惟此山之望鴈台嶠瀧邪界連延兮潮汐

噴射撞水裔之堅頑鯨鯢瀕洞兮渤澥瀰漫掉心駭目兮闔

視縱觀惟此山之游倍於吳蜀競丹刻兮招提刹竿輪奐千

所兮敷譯經教架壑而冠巖洪崖洞穴兮天設神剎噫達人

之既逝兮有往牒之未刊俛仰談笑兮木杪雲間搜竒踐勝

兮領略莫殫其石很怪兮嵐薰而蘇班蹲象舞馬兮麋鹿踞

蟠其泉清冽兮嵌竇瀉湍泄乳停膏兮潔瑋佩環萬斛沸袞

兮灌浴體胖其果珍異兮荔蕉黃柑地不愛寶兮填谷映巖

其木攙錯兮松桂擁柵千尺離奇兮龍起熊攀榮耀隆冬兮
時令犯奸菑茸掩靄兮翡翠纓縵射干薜荔兮美箭檀藥被
覆緣連兮菴菜蕙蘭叱吸唱嘯兮天籟自謹啼歎吟喁兮嚶
嚶嘖頰形色聲味山靈千變以娛人兮逃虛而却其神姦嵐
光著于眉睫兮清賞痼于脾肝嗟此邦人兮縮衣晏飧南畝
萍布兮田毛實慳蔗林芋區兮蕭散江灘水流通川故居之
而不疾兮交鑠第鬱故隆暑而微寒屈宋未嘗錄兮班馬非
所般隘狹歎側兮吁嗟永嘆濟時利物兮雲擾大艱救焚拯
溺兮君子不閑引領浚都兮恨無羽翰石髓暫遇兮金丹一
鑽白日青天兮孰曰到難

雪堂硯賦并引

伯祖父東坡先生琢紫金石為硯圭首箕製寘雪堂中形範
卓豁鴻筆鉅墨寬然運而有餘先生以遺先人此研與詩書
並藏于家子孫不忘遭亂後不知所在僕憂患餘生悼失故
步北苑鳳唼山溪石先生所謂勝龍尾者因命工採斲復為
斯製庶幾乎不失舊物也嗟夫所以記錄遺書軼事傳君子
百世之澤點黜殆非復世俗器矣乃作賦曰東坡先生入道
窮微曠聽婁視不貪之寶不鑿之智輔物理之自然廓無心
乎數外發為藝學舉世莫二契聖哲之奇韻示名教之樂地
窮于黃岡斲石為研底滯聲牙發明不厭皁白絳締歲規忘

倦窮易之剛柔貞悔盡詩之興觀羣怨原法語以折衷續盤
誥之斷爛評論銘誌幼婦黃絹波擊點畫出入英變北扉東
閣言成謨典感麟凡例之筆鑿國膏肓之砭鄰敵為之折衝
姦邪以之喪膽觀剝谿山之刻槃孟枕几之篆揭日月於簡
牘耀龍蛇於琬琰措紳微公則聾聵吾道非公則黜闇諷誦
伏膺思見斯人斯人九原其器尚堅不居廟廊非硯恥焉枕
中之訣父子之傳裹以緹衣藉以青氈其器羽化其制殆泯
雷槌取璞月斧礪刃三鄂二趾淋漓纖穎色如青鐵質如饒
鼎思公灑翰毛髮竦凜篤古舊觀茵席之鎮坡陀瀰漫地闊
海浸提耳畫一危失先訓志一氣隨旨達詞順遺韞亡弓斷

絃折軫窺手突奧願竊繩準齷齪腕脫忽忽道聽至若葺宇
廡下施床榻上王蒙徐偃坐臥摸倣鷲之鑽之誰為遠過人
更相笑僂淺叢脍拊硯三歎韜翰亦可剛健流麗融會尾瑣
問思修省老去疑情

米元暉山研賦

噫與瑋哉巒阜鍾巧巖嶽玲瓏三茆九華之前後二室五老
之西東天作地寶神力鬼工矩矱然而剗綴月斧斲於朦朧
搜漱融結出手龍宮績潤秋濤之骨靈霽春岑之尤特見怪
而何謂乃壺中之仙丘泮滌泓坻黝黯雲浮文字之祥點黠
之勛豁積啓幕耳目清新捫叩而胃次隗磊賞激而肝膽輪

困雖一篲蕞爾么麼老拳瓌姿殊態庶物莫先橘中肆游於
園綺耳門不帶於堯玄耶鄴黃梁之身世此殆小有之洞天
寶晉父子員能使氣紫淵蒼壁麝煤栗尾挾此翠麓用器之
瑞辟塵珍玩凌雲高致素靄撲襟蒼霧噓机軌範相承惜言
屬意亭臯隴首之章補亡正始之義鸞經襪帖洛神樂毅破
羗梨橘來禽青李神明還觀俚俗一洗雄拔健峭凝情倣效
罄鄴侯之三萬得二王之祕奧慎守玉軸備禦他盜西清珥
筆承明應詔天子面試而加賚魏乎致主之有道著聞寰中
煇煌銜耀後生標楷而趨造前輩同明以相照一聚英靈非
其人而蓄峙則崖譏澗愧衆峯詆諛今造物出奇副一門冥

討明窻細氈對管簡之嗜好雲騰泉湧好詞似之號稱墨妙
時望公右左天造允王國所珍享南山壽考有開必先此焉
識兆

戲作梅花賦

夫何瓌逸之韡萼兮邈踈盪而的皪皇命姑射典司兮先春
邁倫而無匹百卉僵凍幾摧兮妙切瑳而雕刻握宇宙之英
淑兮嗾林薄之蕭瑟高柯喬幹叢孽搓拏兮偃亞竦蟠而竒
刷上苑南欒夫冷颼兮露槃北漬乎靈液素娥舒而迥映兮
青女降而邀勒戴雪斲冰兮攢綠筵而盛飾煙際愁菟九遷
兮雲表霏氛而六出妍影照彼漪漣兮韶光耀夫暎日郁黃

昏而倚竹兮挽青春而瘦劇苓蕝莫逞其芬兮桃李休詫其
質際蓓粲媚時而敦苾兮豈若龍沉雅秀清真而漚蔚發玉
氣之晴虹兮動賞音之嘖嘖何促節于畫筒兮綴俚辭乎瑣
筆或擘漫溺于凡譜兮孔墨見嘉于正色騷人之欣會兮炳
松炬以燕秩徙倚俛仰以槃旋兮歎織襪而妙密揀長條以
撼嗅兮忌落英之狼籍眼界信靡兮臯觀悅適索漠祛夫吟
諷兮薰襲慰其禪寂解語西姓之妖玃兮善犖冶名之邇昵
風流藪澤可遐兮溫柔鄉里宜擲夜遥遥而冬敷兮雨絲絲
而夏實高巖啟沃調飪和衆口兮曹瞞善喻燥吻濡乎萬卒
或者東風帖壽陽之眉心兮國艷膏櫛彥士慕陸凱之流芳

兮迢迢置駟面花獻笑兮邂逅莫逆終不若補風雅之申勤
兮思無邪于驪驕

靈物賦

衆萬之夥最靈黎首雕夫人知析其天守念茲釋茲聞覲言
輿詰厥攸從孰尸可否持爾維綱孰俾官授稽前靈之昭晰
豈四目而兩口獨固覺以冥行無先知而拜扣書簾聚囊慨
其萎朽統極致中刪撮伺候千里毫末洞矚察究萬仞藏珍
精進泊湊斯物竊愧鬼神憎翫氣質疑密自悉自受色色味
味而滯夫朕兆生生形形而不事斷割愍六鑿以相攘或肆
馳而浪走夸盱衡而形謀窒本實之常有日用之以愈惛月

違焉而奚救歲周甲而省非力湔淘而勉懋破封執釋瑕垢
深湛體研辟析矯揉滅絕邪絲掀豁疑阜斷想忘情廓乎避
逅箴鋒海納無表裏而洞同覆載周流汎應非洪纖而并包
宇宙慎內閉外自返而透必靜必清願真在宥攝六籍之高
竒卓無倫而絕偶眇視軒冕顯嚴之謂不殆此之常久於是
匪樂餌歌嘯而歡捨導引屈伸而壽余喻而眈焉字曰靈物
銘諸坐右

雙溪集卷第六

雙溪集卷第七

表

代廣東漕謝表

乘輶江左深愧空餐改轅嶠南再蒙寵寄諮諏原隰焜耀嶺
瀧均王澤千敷天冒海隅之出日澄清任責欣慨交并中謝
伏念臣少學洙泗之濱繆習六藝老味研桑之妙豈悟九章
龜勉金穀之間汨沒簿書之際循良尚冀於前躅空踈誤玷
於顯曹倚伏相乘顛沛失據弔影舐犢之戚消冰晞驥之心
不欲抗顏於形勢之途乃其私願荐令悉力於均調之任休

眉山蘇

籀

仲滋

有榮光仰天造之曲成顧人微而靡稱此蓋伏遇皇帝陛下
至仁化育神智裁成耀德振兵柔遠能通講修舊貫初解瑟
更張之時允迪中興有思馬斯臧之富察臣懇悃素守不移
憐臣踐揚老當益壯收東隅而已晚付南紀則過優思終始
以酬恩念綏柔於遐裔殫竭計慮理財正辭撫循民夷裕人
約已敦崇禮義抑絕暴貪愛惜禹陰盡悴公家之利傾就堯
日無慙畿甸之官臣無任

婺女謝增秩表

調發佐軍幸無闕失褒賞增秩叨被寵榮揣已何功汗顏無
措中謝伏念員乘致寇伐鼓追逃凡率土之王民誅無禮於

君者奮龍韜之洪毅致鼠竊之被擒州縣運粟而濟師戎行
操袂而獻虜辱在共理例陟華階愧無竒策與異能亦錄微
勞與片善示大公之渥澤用勸獎于多方此蓋伏遇皇帝陛
下功德日新智勇天錫正位凝命賞慶刑威禁暴而生靈允
懷念功而吏士用命豈特一方之咸乂殆將縣宇以削平臣
敢不激昂犬馬之心展盡驅馳之力誓效頂踵用副焦勞臣
無任

福州問候表

臣某言建炎三年十二月二十六日有入內內侍省東頭供
奉官徐珣等附海船至本州伏聞大駕以十五日發自明州

及二十九日被温州牒備准劄子聖旨車權^駕幸温州者遵海而巡蓋不獲已避狄之患厥惟艱哉臣某誠惶誠恐頓首頓首應係官屬吏民等不勝敵愾之心各奮同仇之誓王室之憂未弭臣子之義不遑竊惟本路八州近寇諸隘築堡立柵募民為兵天成限隔之牢地利金湯之固長樂重鎮行宮切鄰悉力經營祇備巡幸臣聞通大道者不失四國克畏天者必保萬邦恭惟皇帝陛下多得天人之信助少寬宵旰之憂勤念生靈之厭干戈如飢渴之思飲食熟講萬全之策莫如五餌之優更祈任賢使能據險守要致使兇渠效順亂庶自消專務智謀徐圖興復臣無任

代建州上表

臣某言准進奏院關報大駕以二月十七日權駐温州者千艘攸濟勤營衛於海隅三捷奏功朝衣冠于帝所南牧之師悉遁東巡之策最良臣某誠惶誠恐頓首頓首伏以民之歸仁猶水之就下天之助順如響之應聲我師鷲鳥之匿形虜騎長蛇之荐食雖強弱之勢異而曲直之理明講論綏靖之圖已見收復之績臣新叨守土久忝殊恩願奔行宮省視官具招輯戰士啓先戎行內馳螻蟻之誠豈勝雲日之望伏惟皇帝陛下寅畏天戒懷柔物情引咎責躬訓詞惻怛絕甘撫士宵旰焦勞豈圖一切之近功方興萬世之長利忍忿避狄

鬪智從戎懷臬鷁以好音不惜皮幣消祲為和氣益省征
輸庶幾多筭之有成以致羣兇之嚮化二聖邁返四境解嚴
憬彼鬼方亦三年而能克修吾國政無一日之苟安經緯乾
坤盡納富壽臣無任

賀天申節表

至貴之符於昭出震中興之兆丕佑乘乾恩霑動植飛潛可
謂至德曆象星辰日月期於無彊於萬斯年積億善頌中賀
伏惟皇帝陛下天所睠顧民無能名生而神靈會于皇極方
且詔訪黃髮賜靈壽而乞言感致白環摘蟠桃而屢獻軼華
勛之壽考過成康之措刑臣拘系守符阻慶班列嚴恭寅畏
信乎享國之長清靜存誠茲乃攝生之固何止上千秋之鑑
益誕敷五福之疇臣無任

代人謝放罷表

恭承朝命祗解郡章敷宥從輕省躬兢惕中謝伏念臣草芥
微賤天地生成願盡忠誠無忝器使郡當孔道實為逋盜之
奔趨釁起鄰邦責在守臣之捍禦不能固護於封壤何以撫
循於吏民敢避嚴科幸蒙罷免此蓋伏遇皇帝陛下茂日新
之盛德恢天覆之蕪容厚生惟和慎微接下照臨幽枉兼納
賢愚藏疾并容矜愚不逮臣仰荷仁政府念悔尤靖言初終
亦非偶爾嚮者兇黨方熾州兵至微驅烏合而待其衝收尾

解以抑其勢屢獻俘馘遂失支梧徒者弱于它山濟府庫于
別浦賊無所得民亦保全論其衆寡之間難遏奔衝之勢彈
章荐擊吏議不輕席藁何言負芒不暇誓當洗滌於塵垢庶
幾脫露於錐囊稍贖昔愆更圖績効臣無任

賀天申節表

聰明睿智膺曆數以在躬錫羨休嘉標震誕之彌月祥開是
日慶浹緜區草木欣榮華夷交慶中賀恭惟皇帝陛下德惟
善政道本生知綏靖黎黔濟風俗於富壽寅畏天命知稼穡
之艱難蓋舉二典以同符豈但四人之迪哲臣備負從橐阻
望階冀歌天保以酬恩無疆惟福同嵩呼而請祝於萬斯年

均祐函生永建皇極臣無任

代謝賜茶藥表

奉命登車顧遵周道使華按節傳諭克言不遠威顏竦慄矜
眷中謝伏念臣瑣才無取賦命數竒矧經憂疊之餘驟領蕃
宣之寄體上醫之活國念靈草之濟民安危所關鎗銖責効
惟時故事亦玷常科罔間孤蹤有茲好賜珍奩品劑焜耀室
家異數殊恩歆艷朝野此蓋伏遇皇帝陛下使臣以禮御世
須才有攘消疵癘之方以聚蓄收採為富臣敢不推原斯意
勉盡其心撫調發之瘡痍雪鰥孤之困憊芟夷寇亂如決贅
疣崇獎忠嘉若護元氣思之熟矣幸而得之臣無任

代謝馬表

恩俞入覲敢俟駕而後趨寵數殊常冒脫驂之蓄錫輟從內
廐竦動私廷鳳臆蘭筋鏤錫金卮榮逾三賜禮異羣僚揣稱
自量非據尤愧中謝伏念臣誤塵人之晞驥周行許國驅馳
逢辰亨奮眷任增重志願彌堅將收其汗馬之勞幸假以絕
塵之乘拂拭鞮策憤激冒膺伏遇皇帝陛下天施無私綜覈
名實聖謨廣納優待俊良朽索常懷長轡遠御神筭非駑拙
所逮微績當策勵而成臣敢不強勉圖功夙夜匪懈老而知
道恐不繆於冥行範以從禽誓不為於詭遇臣無任

代謝金帶表

一介孤遇詎貪篚實之腆重鏐焜耀優寵身章之華恩出非
常眷隆加等中謝伏念臣蚤從韋布中預措紳齷齪何功安
閑累歲暫墊角巾于草野豈圖端笏於駕行垂屬有餘朽質
無措公西東立于賓客之右綽有嘉言安平橫驚于淄澠之
間懋建竒績自惟小己景慕前修安得勞能稱茲藩飾伏遇
皇帝陛下知人能哲陳錫載周固結士心不恪名器示斷金
之義皆歸範鏐誦錫朋之章可謂樂育漢庭盛賚敢云稽古
之功孔里自言誓竭為邦之力臣無任

代起復殿藩謝表

小志懷私懇畢祥琴之制大恩荐被稽違詔綍之行終俾蕃

宣弗忘器使支離強起俯僂冒膺無任醜顏莫迴渙汗中謝
伏念臣忠惟許國義切愛君不量丘壑之姿自奮功名之會
及物祈於無負憂人未能有為冕旒念於前勲弓冶斯放先
訓晝訪每蒙於嚮納秋毫盡出於生成不因先容叨承遴選
歷職清貫超領宥樞道固無窮才實有限一篲爲山之始三
人證虎而成員乘致譏內頌沒齒銷骨興謗無辯自明始終
睿慈委曲矜照茲者至公獨斷洪造惟新祕近華資班聯耆
俊要衝鉅屏經制邊維揚拔矣而尋培車債焉而復起伏遇
皇帝陛下天臨日鑒地載海涵軫其簪履之遺東其帟幄之
舊收抵塵滓收錄桑榆臣方且攬轡之官戴星圖治撫循疲
瘵調理戰耕念進思竭盡之心未輸梗槩副宵旰憂勤之績
不憚捐糜或允文陛之趨不爲便道之計誓驅馳之頂踵用
推廣於詔條輓軌時宜韋絃家法臣無任

代辭免叅政表

倚注之隆叅貳宰事幾微所賴考慎民瞻顧非其才豈勝厥
任再殫危款仰冀矜從中謝伏念臣卑棲何意於高翔短伎
夙殫於已試委遠庶務幽憂累年整理衣冠寔成踈野賜承
清問獲近天光擢任褒揚前洗傳政三接優寵九殞未酬雖
宸衷東訓之特殊而柄任知難而當止緣智力不可頓進而識
局惟堪小知覬偶合於毫分恥循默而尸素方今內外修攘

之際聖哲馳騫之秋副寤寐之焦勞必建明之幾警惟密勿
仕道之佐能毗益欲治之君譬如周王命樊尹以軍國內藉
張仲之孝友故無妨功害能之姦唐皇任房杜以佐佑而又
咨鄭公以獻納故有盡忠竭誠之益廁其盛選豈容常倫上
累休明殆由鄙陋姑祈冗散豈過分而叨踰聊欲自安固當
引避於隆顯伏惟皇帝陛下執利世磨鈍之器念因任責成
之功使鳶魚自適於飛潛而椽楹各隨其鉅細宜寢渙命允
協師言免貽覆餗之愆不溢挈壺之量遂其懇請乃據知憐
惟器所堪竭誠圖報臣無任

代謝許終制表

渙命奪情頗緣金革之務篤親違詔固終苴經之期悚懼難
任繼蒙俞允不愆素守實自眷憐中謝竊以公爾忘私喪不
貳事慢令聽刑於司敗慈顏欲報之終天隕越不遑進退惟
谷臣世執矩範家紹弓裘德涼祚哀創鉅疊積餘生視息粗
知禮經俎豆典墳平昔聞見既乏服戎角力之勇又匪振兵
扞敵之能屏迹衡茅方劬勞罔極之慕忽分符竹亦黽勉何
辭而行區區魯閔之懷蕩蕩唐虞之化恭惟孝治無取從權
以蓼莪之思忝行葦之施此蓋伏遇皇帝陛下深仁篤義知
遠察微成就孤愚保全出處謂臣懇服名教必移此於忠嘉
愍臣濫在搢紳忍遽虧其志操善厚風俗冠絕古今臣土木

形骸抱致君之深意蓬蒿心目誓許國於茲晨庶幾微塵稍
增喬嶽臣無任

代慰國哀表

臣某言伏覩今月二十五日聖旨太上道君皇帝厭世升遐
寧德皇后上仙者訃自龍荒哀恫中國奉諱之始號慕攸同
中慰恭惟太上道君皇帝二紀憂勞萬方亭育遜位貶號謙
抑逾涯未返常嶽之巡遽陟鼎湖之駕寧德皇后表正坤位
贊祐宸居從翠華而遠游渡沙漠而不返羣黎百姓攀咽無
窮皇帝陛下孝切羹牆痛深岵岵伏惟降抑哀慟俯全禮經
臣無任瞻望殞越之至

祝聖壽表

興王景貺福生有基享國昌期道乃能久里社鳴而紀節嵩
嶽呼而發祥浹縣宇之歡心同一詞而善頌中賀恭惟皇帝
陛下施由庚乎庶物以無逸為元龜三靈協祐以儲休九有
來同於富壽方將舞干羽而渾文軌頌正朔而服要荒寢明
寢昌襲無疆之曆時萬時億降有永之年臣阻扈和鑾依戀
行闕華封獻頌爇火太陽小草何知傾心委照臣無任

徽宗祔廟慰表

賓仙蹕於雲天廓然遐陟從祖禰於廟室永言孝思凡屬臣
民共增摧咽中慰竊以飾終之容典惟備追遠之想望何勝

叙宗祧昭穆之彝倫為禴祠烝嘗而作主所以達睿誠欲報
之德係邦國哀恫之心伏惟皇帝陛下愛欽盡于篤親苾芬
昭于孝祀致終天罔極之慕安皇靈如在之神存乎澤以感
音容每齋戒而思居處風木不靜霜庭惻然願抑至情以幸
天下臣無任

代駕幸臨安起居表二首

六龍順豫旋軫勞歸五玉駿奔奉贄敢後廊吾天步匪惟建
業之江山後我后來延望武林之黎庶上宮闈之管鑰返羽
衛于室廬遐邇謳吟人靈胥悅中賀恭惟皇帝陛下仁提三
尺道運六韜御世冰淵弗遑寧處救民沸鼎猶抑孝誠吁昊

焦勞嚴恭寅畏鬱鬱何心於居此孜孜向善以強為念邦家
禍亂之秋恢祖宗丕顯之業勤而不息樂以忘疲殆獲華夷
之歸必期河雒之復臣屬嬰郡治阻勦旄頭之塵平定浚郊
即建干旗之旆臣無任

又

戎輅西轅六師節制鸞旂返旆萬寓駿奔副吾王游豫之謠
諧我后來蘇之願豈但却敵凡以裕人中賀恭惟皇帝陛下
稽虞周之有為恢祖宗之丕業班師旅而苗格修德教而崇
降從善易於轉圜應物明如觀火決戎機於千里拊幅員於
一堂使耄穉以懷安顧江山之表裏鳴蹕浙右州縣為供億

之勞尺書浚都胡虜必馴擾而服臣周南跼迹咫尺克雲闕
下馳神祇聆禹會臣無任

代謝青瑣表

西掖代言已塵寵授東省夕拜荐陟榮塗辭爵靡遑審躬無
措愧甚鵜梁之刺未知簪橐之榮中謝竊以掌百事之稽違
司萬機之出納審覆論駁之地興哀得失之原使還招批教
動獲所宜則發號出令罔有弗當臣每侍法坐親奉德音慎
選疇咨殆求顯效叨據要任深恐妨賢伏念臣志力尪孱資
地淺薄偶時乘之初載同品彙以偕升閱十祀于郎潛玷階
華顯蒙三遷於法從誓補憂勤方中興覈實之辰斯羣士願

才之日而臣執文馭馘豈射父之作訓詞經訓踈蕪暫倚相
之讀墳典袞摩鄙樸奮勵論思永惟復古之隆精審適時之
略非敢後也而才有限豈曰能之而願學焉欽副使令俯虞
顛覆屢上退閑之請深慙覆燾之私此蓋伏遇皇帝陛下齊
禹湯之勃興體堯舜之極致德智長而治道得俊人多而邦
國寧誠能輯羣策之良圖必將致九有之咸乂與進儒學不
遺一介之凡激勵猷爲益俾百工之起臣雖遇懵粗識廉隅
敢不靖共于朝虔恪底績乃心贊國竭節忘身餘生何力之
纖微畢命儻酬於萬一臣無任

謝江東運判表 代次公

祇奉絲綸載馳駟馭巡行封略覽視吏民中謝伏以江左興
王之上游淮壖聚兵之嚴警逮間暇日乃勵精秋筮推市關
施張貿化舟楫教庾糾擿蠹欺惟籌度罔失纖微而意見務
知遠大乃振軍以固本兼實邊而制戎周爰諮謀華彼原隰
豈期器使誤及孤平激昂哀蹤負載山嶽安有異術裨益消
塵竊希一得於百爲或求千里于十駕虛荷委寄實深震驚
此蓋伏遇皇帝陛下勃然中興奮乎有作施博天地仁察爲
魚臨下易而有親燭遠幽而必照付外臺之耳目適行宮之
要樞以臣肅奉憲章粗穆朝聽施勞州縣惻怛黎元責効方
來普勸士者臣敢不每懷靡及食藥飲冰當官而行疚心焦

慮六條漢詔務叶公言五術唐臣專斬厚俗殫駑蹇之微願
副驅策之殊恩苟緩曠瘵寧辭頂踵臣無任

代謝禮部尚書表

王政所關天臺治本邦禮專掌春官望穹貳鄉方愧于官箴
六長所資於民譽冒塵予進閱略曠瘵啓處莫遑辭避罔獲
中謝竊以至孝睿明之主議禮爲宜興復迎春之期顯親篤

志由仁義而起盡欽愛而行近正長樂之隆名祇嚴徽冊發
自清衷之誠悃欽庀攸司鐘鼓玉帛之設施承稟詔諏之程
度縣力何有綸言所嘉謂蚤能戴於丘山顧燭或禪於日月
忝竊論思之地荐加寵擢之恩此蓋伏遇皇帝陛下旰晷勞

謙釋四海之鬱結勵精覈實致百度之咸熙天縱聖神生知
儒學方且投戈而息馬不忘論道以橫經被訪對於延英屢
奏篇於黼座遭逢何啻於千載鴻私殆歷於九遷矧草木之
朽蕪當天地之渥澤非德智學藝不足以膺東注非公正節
行不足以玷疇咨睠錄前修褒表先緒施及不肖誤被超陞
位高深懼於疾顛才小胡能於爲役念喉舌之任期吐茹之
得中居臺閣之間循規矩而斯在敢不靖共無懈勉殫夙夜
之勞知無不爲以谷生成之造激昂哀陋曷憚捐糜臣無任

賀東朝歸表

格天德至本自宸扆而刑多方篤親誠純不忘跬步而還萬

里奉寶輿之言返舉連環而不渝溢縣宇之歡心巍高世之
馴行慈襟一喜品彙咸蘇

中賀

伏惟皇帝陛下本曾閔方寸

之衷體華勛要廣之道勵勤精力吁祈請也艱難菲薄旰宵
慕溫清于遐邇方且顯鴻名而正統紀曷嘗忘侍膳而捨寢
門未宣暢於鬱堙久湛詳于宥密致極兢兢而業業允諧洩
洩與融融蓋人事之無虧俾天心之保定順承顏志萬國悅
而養東朝溥溥施慈奉嚴修而懷北顧較勞考事冠古超今
如漢薄之代來厥功絕易若鄭姜之穎出其事罔倫翕如覩
大練之光來歸著彤管之煒臣等幸叨盛際祇若徽音坤載
延鴻殆年長於西母皇枝繁衍益天受於太任臣無任

賀元會表

伏以垂象施教大一統於王正凝冕當陽舉盛儀於元朔稽
詳周典採撫漢儒夷夏來同天人昭格中賀伏惟皇帝陛下
體元正大建極中興曩者每多外禦之虞是以未遑正宇之
位裁成補敝肇自睿圖和洽光輝允謂儒效嚮明而治謹始
授時設九賓之臚傳受四海之圖籍萬彙待發生之慶十行
布寬大之言物備禮隆發聲明於度數化宇澤浹正班爵而紀
綱臣夙濫寘行坐縻外補想簪紳之表著望雲日以神馳承
明宣政之庭固嘗俯伏衢室合官之事殆無復過嘉與蒼黔
同茲鼓舞臣無任

代賀親耕籍田表

省耕千畝之甸親御三推之儀斷揉斯勤齊袂與祭惻怛宸
旨溥率域中祭觀日新聖風雲靡中賀竊以衣食王業之要
思文后稷之稱皇極建而五福敷烝人粒而萬邦乂曩昔艱
難之際擾徙安業之農故敦本為寰宇先蓋未祈而造物相
會通典禮底豫神祇伏惟皇帝陛下存信去兵納民軌物躬
行舜禹之急務力致宗廟之潔豐興起彌文篤纂前烈誕降
嘉種至治馨香如坻如京以孝以享近弼碩彥調燮富民之
封列郡循良申嚴力穡之課戶戶樂生而勸善人人舉趾而
授時天瑞地符家給國阜臣究宣德意眇漢儀之六條遵稟

化原邁唐賢之八計萬耦于耜九土載芟偕生遜畔之心咸
革惰游之末臣無任

慈寧慶八十賀表

母儀慈懿帝孝遵承慕孳孳之色難躬顯顯之愛立協氣流
乎闈壺要道光于華夷稽前古之姜任繼今朝之高向王化
輔毗之燮理椒屋蘭閨坤元博載以無疆龍輿寶璽於皇萬
斯之紀肇登八十之齡三靈之溥命咸宜九有之歡心一致
甲子環匝幅員雍熙中賀恭惟皇帝陛下體古訓於韋編運
嘉猷于掌握德之所覃者大文之所加者深宏休難罄於揄
揚盡美兼全于仁孝臣螢蟻至眇願增綴南陔雅章紳笏合

并慶無量西竺遐壽堯時舜旦獸舞樵謳臣無任

擬本州守謝御製損齋刻表

義經與贖致用研幾聖學高明發揮睿藻訓流金石化首簪
紳叨被恩頒虔遵模範中謝竊以味典常於大易喻道真於
元門云乎損德之修亦曰儉我之寶事人天蓋莫若嗇去奢
泰復返其根陋哉徃古之夸毗灼然持守之規戒中謝恭惟

皇帝陛下效天法地盡性存誠崇簡易而守成端穆清而凝
命金甌全而邦基固玉衡正而泰階平既道協於皇王垂衣
致理則民敦於朴素指掌何勞臣繆推歸美之源以補輯帷
之闕做謄欽詠每字字以求思韞積珍藏但拳拳而弗置臣

無任... 雙溪集卷第七

雙溪集卷第八

書

上門下侍郎書

籀夙志于學... 於一葉而言有重於太山蓋天下不治治之在本福基既胎

眉山蘇

籀

仲滋

非偶然者亡羊而補牢勝於坐視也見菟而顧犬猶爲得策也歷數前後亂吾邦家者大槩皆缺舌之相也譬如蛇蠆蝗蚤遺類餘種必爲巨害仲尼作春秋吳越未嘗稱人荆舒咸在斥罰今柰何不循覆車之戒用閔蚤爲相乎前此維揚旣變一薛居周齊言不勝楚人之咻一屈原獨醒未解衆人之醉忠言至計蔽於悍夫之當軸剛狠怙權之所致閭下政坐憂人之憂耳事之不如尊意者十常八九可想見也甚矣世俗之難悟也伏念藝祖太宗聰明神武知人安民法制規模防慮宏遠士大夫孰不由之不幸馱舌之徒崇飾穿鑿唱其姦言鄙堯陋禹變蔑舊章掃地無餘四五十^年來人人風靡其

說淪于骨髓綱紀頽圯中原大亂中才之流甘心入於商鞅李斯之術天下滔滔不知何者爲正論所幸慶曆嘉祐之遺世臣故家尚有佩伏羲方之訓不流俗尚者稱堯言而晞顏徒其間固必有豪傑之士矣今日後生慕善者期待閭下亦云甚重謂可以修祖宗之法制推前哲之範摸羣情顛顛以爲當然古人謂舉伊尹臯陶而不仁者遠謂仁者以類進故也如使伊臯不引其類連茹而進則不仁者何憚而遠乎今天下之猾賊幸天下之有變而欲有所爲天下之賢士倚朝廷之尊而欲輸寫其肺腑夫猾賊誅之自有其疊賢士收之以旌其來此公議也兵戈之際圖書薊醬儒冠遭辱古之定

禍亂豈特武人爪牙之功乎文士實爲之腹心也士有侍價而沽玉抱璞而長號者且夫一髮之不理一指之不伸尚且無聊視國家塗炭則瞠然不能效尺寸理必不然也忽而棄之則過矣方今鄰敵內侮如未解倒懸之勢兵衛寡弱有外強中乾之敝府庫殫竭有旦暮不給之慮盜賊江右伺侯羈縻綏御之策此四患也大者金人之害尤爲難圖譬之洪水堤坊既立水行無事而後可也堤坊不固無所措手足矣吾以天險爲堤坊不亦可乎塘灤不足道也其次兵衛寡弱當遣信臣招輯散亡來者厚加存恤則行且漸盛矣其次府庫殫竭當效衛文公秉心塞淵則萬艱繼來圖益富矣其次盜

賊江右御得其道寇讎化爲親戚置而不問將爲大患在所慮也古來夷狄之患未嘗及江以南累年秦齊晉魏被其殘虐中原討掠殆盡惟大江則不敢睥睨其力不能也彼貪財好色非有長久之計肘腋之變當在旦夕朝廷據有荆吳越蜀之饒尚足以蓄力養銳以俟其敝然恃江立國雖有天險之邊防荆襄江漢上流未見其能固守也守禦之備莫急於此使江漢之間公卿刺史下逮阜隸芻蕘人人具其術略決擇而參用之其利害必盡得也然後擇才絕識者統其事朝廷用人何事不濟且如拜尹逢於倉猝收劇孟於擾攘不以爲難至於爵祿曾無少吝足以使才能者奮也似是而非者

尚能聾瞽耳目猶在察焉夫觀人以所言不如以其所學考其所學則處心積慮咸可見也然後試之以事則無所逃矣以人事君大臣之先務也閭下亞聖之裔孫深得鳧繹先生之文采風流箕裘典墳組織道義其仁如晉趙武其博如鄭國僑翊戴社稷有良平之彌縫成就人物有房杜之明果偉然柱石誠可謂山東出相矣絳帳東閣之士共由此道不乏其人吾道未至大光小人尚敢肆行則十哲三千之徒未滿也宇宙之間高才日少古風不競可謂太息汲汲孜孜其可已乎籀嘗學於先大父藥城公聞其許予所著右史願從尊先舍人咨考有陋巷棲尺椽之意其相知可謂深矣不肖頃

者游梁拜伏館宇辱枉題門之寵今日非敢若衆人畏貴慕勢而唐突也譬諸草木在公之臭味矣顧惟潦倒踈冗有琴張魯皙之狂無叔牙管仲之友艱闕失職遂哭窮途灰心木形槁項黃馘豈可分毫貶屈泝統灑削緯蕭織蒲豈不足以自食籀之所學恐不止於此所求亦恐非為鋪啜而已不揆其猖狂之辭略及今日之故若蒙收採顧遇使無補於邦家斥之未晚也俯伏賓次罔知所裁閣下幸察焉不宣

上戶部尚書書

籀聞建邦猶之作室其成也非一木之所支及其毀也非一繩之可係昔者海內平泰規摹遠而基扁固羣材各勝其

實實枚枚貫百世而無敝飄風暴雨不足慮也雖有匠慶亦當袖手不幸蠹蝕蟻漏棟梁不具而

歆側或不察焉則

摧墮圯裂至於不可支梧於是命工考室以還舊觀此雖劬疾辛苦而亦功名之秋也嗚呼非良工師何足以預於此天下之材樂育附輯而來出其端良雄傑而繩其撓腐拳曲規矩斧削可以無憾斲喪衰頹之後妙手尤不易逢珍材尤不易致也使拙工率意爲之必將截榆以擎承露之槃折柳以樊狂夫之圃豈不殆哉今茲天下塗炭夷狄交侵以安社稷生靈爲心持衡正百二此考室之師也閣下負超然絕異之姿挾出于形器之學咄赫蚤聞年如公瑾破烏林之歲

碩大尊顯功業先乎祖生而著鞭于時天下寧謐伏獵狀杜之徒忌嫉高賢故淹翔符魚節鉞之任而卷懷埏陶烹幹之才滯留畿輔漁釣江湖者凡十餘祀顧當途皆血指汗顏者亦預知其誤國也一旦有警事棼如絲呼吸生變戰守之計未決鄰敵之情難料四海六合之大化強狡而安反側喻日新之德意求其識略宏達尺紙片言可以排難解紛萬舉萬全而無遺籌失策者在庭其誰乎中外始有才難之歎矣詩曰締兮絡兮淒其以風言庸人不可用也天下咸共推曰閣下今之陸贄也公卿之間最爲先進委任之久最爲更練藝文之苑最爲美博裁處之際最爲智辯天子虛心見晚

眷獎之渥旦夕大用考室之師閣下是已積穗以基之裕民而庇之方且鞏固輪奐安若太山可以爲天下賀也所用尋尺之材必經顧盼焉班斤待郢質而良工須利器天下其誰不願才乎噫致君行道蹈堯舜周孔之堂室門庭文字溢於竹帛勲業昭于旂常絳帳受經之生皆鶚立朝石堂下捉刀之士而長萬夫者矣天下之髦俊經於閣下耳目既厭飫矣文章道術據其復命之根而縱其藝天之焰即之望之者駭愕眩晃自失而走者有之矣今夫瑣瑣之流欲徹聲聞於帳下者亦僭越矣恭惟孔氏之道曾子子思之傳而孟軻治氣養心以擴之莊周屈原各以其所見而鳴漢揚馬振其光而

唐燕許颺其芬退之立言復古掃諸子之陳迹宋興揚劉肇基歐陽公始唱天下削時文之敝其文奄有孔孟之餘烈兼衆作之芳薌近世學者多不能誦習歐陽子而流入于異端徃徃皆喪邦之說天下所以流血蒼生所以困斃者鮮不由異端之所致也閣下之學今日歐陽子之徒也正人待之而爲善匪人待之而自新籀竊伏下風從諸父昆弟嘗游門下究觀盛美之緒餘糟粕不爲不久區區見聞亦晞驥之乘也近者避地江左貧無置錫之地平生之志窮而益堅老而益壯其磨研編削粗勤其取舍是非甚明不揆其身之踈冗輒進伏于閣下之賓次自謂推孔孟之派講韓歐之風者世人

之治此道者益衰少故與我者亦希焉大君子日進此道爲之不厭嘗試請益焉庶幾不拒也吾道斯文乃所歸嚮矣昔羊舌肸棄樂王鮒而望祁奚之舉太史慈以北海知己而爲之解圍關雲長得孔明超逸之褒而增重於世牛僧孺被退之題門之寵而名動京師古之人心契氣合如魚之游如鳥之翔其可樂也顧惟潦倒之才口耳之隘譬之游俠滑稽方士日者大君子未劇棄也若夫選掄而加藻飾焉共登成廈之功免于泥塗之辱使滌慮潛心以發揚盛德大業當仁徇義亦可以奮勵出奇也惟閣下所以進退之不宣

上時相書

籀不佞謬忝讀書聞道家傳古今治亂之學理世及物之術先儒之未悟前聖之用意盡發其樞凜然略備積載而繕藏之以爲士而無益於人謂之苟生見三代以來成敗得失猶爲之悲感爲之欣懌身經天下之擾攘邦家之屯危當食不飽坐以待旦至於慟哭流涕也蓬廬草戶貧守一席之間無所後其心狂狷不揆思推所以知爲世用凌厲憤悱知難而不知退臯陶后稷在千世之上每願爲之執鞭共工寒浞見傳記之間至於作而按劍恭惟主上時乘六龍撥亂反正天下安危注意閣下閣下籌畫精穩左右彌縫斷大疑決大計視遠聽微疚心竭力所以消惡運過亂原因旤爲福轉敗爲

功者何止六間三竒乎邇者兵民就其條理盜賊去其七八
邊防增固夷虜益馴舉直措枉裁成中興之業天下咸知帝
力之所自弼亮之得人焉籀以憂時之深故樂賢之切聞風
覽德寬然自壯毅然自立擊唾壺撫絕編仰天浩歎稍溫其
所學譬如日侍仲尼老聃之言而旁揖賈誼陸贄也思之而
能信固宜仕矣今天下瘡痍未復詬恥未雪抱冰嘗膽不容
少解峩冠結綬連茹而來非徒然者百慮豈獨一得尺短豈
特寸長乎或曰陽光盛于四海敲石者何施霖雨澤于九土
抱壅者徒勞而况飾鑽縣令之說造次直前猶擊瓦缶于洞
庭之野何足道哉籀應之曰岱嶽滄溟所以極高大者不拒

消塵也騏驎鴻鵠所以致千里者四足六翮也相公罄天下
之思而用之無餘謀竭天下之材而使之無餘事長育天下
之英才譬諸草木區以別矣椅桐梓漆長而諧律度薦郊丘
杞柳松柏養而備雕斲作器宇薑桂因地而播其辛蘭芷在
畹而颺其芬烏啄豕零盡其用蹲鴟荻神不相瀆蘋蘩由斯
而進羞葑菲由斯而可採夫草木異稟農圃不能易也例能
使之竭其才耳如此處天下之英才亦無不奮勵而榮耀矣
蓋得其道也忠智翹傑之士康濟之所賴也仁義學術之人
皇極之所建也鄙如頭蓋馮河憎如吐茵食馬如賤雞鳴狗
盜陋如蘧蒨戚施未嘗廢一焉此長國家之度也大丈夫立

太平之基爲邦家之光天命享人事盡威懷四夷日闢百里
安於太山壽於喬松聲華藹當世餘慶及子孫得其人而任
之無強於此也今者國之龜鑑道之淵藪吾君之所尊禮萬
國之所宗嚮無逾於閤下者學術之根源事務之輓軌官師
之所準的姦偷之所革心無外於閤下者嗟夫一夫巧射則
百夫決拾一相忠嘉則百僚景附天下之士聲氣相求道德
相悅閤下雖遠權勢避私嫌以斥退請謁天下之士方且隨
閤下而不置也咸望乎品題而並祈於引達何特此哉凡有
不獲焉不勝其求也其可却諸士君子實不易得也羅之如
獲鳳麟蓄之如寶珠玉屏之如倒持太阿失之如喪一敵國

故視其士之得失爲其邦之興衰近者天下不寧士之無賴
如季布者北走幽都矣放逸有如管寧者東走遼東矣其懷
土而重遷者或殞身冠雉其遭難而失職者或餓死坑谷其
得趨伏于相公之戶庭者固匪平時之比也相公其念之乎
籀所謂家傳古今治亂之學理世及物之術可否獻替有成
効矣掃迹朝市採薇山阿有所未能生生之具可謂窘矣居
無屋而食無田士之失職亦以甚矣愁憂傷人筆墨杆格魚
喁虫吟嗥呼凍餒空自慙笑耳相公命以位竭其才力伏後
國事者不知幾何人矣其獨遺一夫乎昔籀之先大父藥城
公以布衣奉書魏國韓公大蒙許予故達於天下魏公守文

之賢相也。搯之荒蕪，潦倒誠何足以晞先世之萬一。當今創業之難，過於魏公之時，遠甚。是閣下比魏公有餘，然慎微接下，又當急於平世也。搯雖踈冗，豈得默然而已。耶姓名茫昧，唐突帳下，辭情迫拙，不知所裁，願賜優容，愍其冒臆，閣下其察焉。

上李丞相書

恭聞大人之道，其高者登天，其深者潛泉，告之於人，主施之於四方，端偉亘赫，不名一器，其在衮司，如斗如嶽，指迷當世，鎮服四夷，可否予奪，公議灼然，其外可見也。其冒中之嗜好，尚德愛義，斷可知矣。故無古今，無榮賤，取茲兩者而已。仰惟

崇堂鉅屏，簪履奔嚮，投刺如櫛，一介之賤，束帶以干門，隸求徹聲，聞于左右，草野唐突，誠可笑也。至於貪慕德義，則豈必踈於衆賓哉。夫絳灌鼎貴，或不工文，霍衛顯重，鮮能喜士，則儒道何施歟。今日以斯道覺羣黎，豈非在閣下耶。其爲人也，挾至足體要之學，操梗切根本之論，愛君納諫，革容悅之風，理亂振兵，破蓄縮之敝，氣充區宇，名滿四方，橫翔捷出，間兩社而摠八柄，又方當盛壯之年，附之以韓魏，而初不矜劫之以賁育，而未嘗惕眩之以儒墨之辯，而不失其所是，投之以磨礱之野，而不撓其所存，伊傳周召，孤管樂簫，彼何人哉。光于鼎常耀于竹帛，拔天下之大艱，極天下之大患，以爲己任。

隨機應變有餘裕矣閤下方且澹然淵哉燕居無作其實負
素望饗厚秩比牒同時者已羞當軸處中者晚進故夫格天
之事業物議所不置也夫韋編蠹簡談經細史此亦盛美竒
事治一卷書於治天下開劇之不同也又如釋道二家苦空
妙義之宗服食修煉之伎此於養生則厚矣治一身於治天
下緩急之不同也雖然閤下高翔遠步以軒冕爲繫維以世
味爲浮雲視衮繡二府與黃冠白屋無異也朝廷之倚任有
識之責望在彼而不在此也竊以謂有所聞見不當緘默大
計深慮以安社稷爲悅示體國情義之親不亦宗工之任乎
或曰道之難行也則如之何夫事固有小大小者何足以云至

於係安危成敗衆所未察我之獨見言出而後計從亦何可
緘默耶且夫當朝豈無似韋處厚者則在外有如裴中立勢
不容久淹也至於任賢使能中興之本又閤下之任也今欲
得常才之士以無曠職欲得竒才之士以共理世夷易其所
入之途使來者虛徐而自得封植而淬礪之賞拔甄品豈獲
已乎邇來喪亂之極必將升乎閤下與凡門下之賢俊實任
其事必將卓然大副天子之意炳然審天工之付委言盡用
道盡行朝廷得策生靈晏粲百官稱職殪戎正華勲績籌略
非我輩之所能惻知也只如本路羣賊閤下原其旼端由殺
子之報辭切理明刻于路隅尙黨化之油然忠孝之心生矣

愍時憂世之所蘊可窺其一班也一介踵閭者未可以語人才大鈞之播其肯自棄乎伏念昔日乘平書獄頌法律者三年獫狁之故調軍實論攻戰者又累任皆蹭蹬而無功過則鮮矣積藏舊書經傳略備陋目得一忘十時求夢真老人之旨行誦而坐思之不忍棄大而嗜瑣四十之仕齒髮將老九品之秩炊春無餘仰企光塵哀純之蹤庶未擯斥昔者郭駝鄙人而理民者取之梓人卑冗而相天下者取之輒冒獻其猖狂之說有合於大人之道者亦養木作室之類也至於諛而慕勢則不爲也所祈嚮者德義不可誣矣才下論卑幸垂照焉如賜一字之惠以獎其進執經秉筆將繼此而有請敢

悉布之可否惟命不宣

上朱僕射書

竊聞道之難行自古所歎於時危而尤難焉惟大君子則易然社稷以爲悅華夷以爲意拯患拔艱使禮樂征伐自天子出雖百世而不失此所以爲大君子也以小丈夫之氣臨之慮未及周處之弗審眩名而遺實舉一而忘三左振而右靡前顧而後傾失足而入河海呼吸而陷寇讎雖有經世之心尊王之念其身已不自保而何以保其國愛其君哉徒爲天下後世之嗤咤耳學道者莫不欲施之於世惟其彌縫提挈無遺籌失策故曰難也昔仲山甫以不畏不侮而相宣王致

周室之中興季文子扶持魯邦誅戮巨猾其君用寧陳孺子
居擾攘傾側之中漢室俾乂三人者皆可謂大君子矣猶嘗
伏觀建炎復辟之詔而竊珍慕閣下真千載人也彼仲山甫
季文子陳孺子而當茲時其機略亦不過如此耳方二凶人
之肆逆也婦人小兒頓足切齒欲死之而不獲雖有責育之
勇蒼猝之際無益於筭閭下端委神氣不變廟堂之淺深使
彼莫得而窺大直若屈偉度絕人陰離其黨徐破其計天地
順叙忠義炳著稱爲社稷元功之臣繫閭下得之學道稽古
以御今之術也首出羣公之表祇膺太平之責內寧矣外患
尚多也求為首末無間言初終皆盛美嗟夫是不徒然者也

衣冠所以推予者以閭下器識才諳久有以服於人故也今
僭偽孔熾強敵憑陵急切之務大者兵食攻守瓜步防佛狸
之警淝水慮符秦之虞開口待舖者不下十五萬人可以控
扼者無慮數十餘處陸抗之䟽王濬之計可謂龜鑑士馬儲
械簡閱必當兼用柔輯表餌之略其費不貲斟酌時宜料敵
論將調帥乘之和大小智愚適可以相制將帥有志國家之
急者慨然以盡敵爲意而患在不能料敵是以無功如閭下
專務料敵善之善者也審察而預圖之故平居無廢事緩急
有成筭庶幾祖宗之宇內可復也此數者立而吾道大光首
末初終之論可無憾矣數者不立雖欲奠枕不可得也大致

所闕羣情翹首萬物咸賴天下有能有為之士駕馭鼓作入
吾術中所譽必試用人之柄不可失也兼納庶言無擁下情
以冀竒謀異畫之來議論之權不可曠也嚮賢尊德講藝修
辭文章之宗不可避也閤下力行之無負天下之大而已使
斯人奮發激昂勇於由義樂而赴功革其偷安苟且之俗皆
風化之致爲也用兵如方叔召虎機辯如魯仲連言語如行
人子羽者未必獲也多君子以助治理矣恭惟主上勵精興
復典學天縱方且整齊乾坤步驟湯武委任之重豈有它哉
閤下憤悱宵旰翊贊經綸導導謨猷每進仁義之隆君臣之
際簡易健順超軼世俗數千萬仞此天下之士所以樂爲用

也夫婦之愚有不獲焉草萊之士有失職焉則亦司其憂任
其咎道固如是不以爲勞也仲尼有云知我者其惟春秋乎
籀之不肖爲天下安用自幻竊好春秋左氏之學以爲周孔
之常道也蓋秋春天子之權也始隱獲麟二百四十二年之
間所以獎王室理華冗文武之王澤未遠諸侯大夫尚可告
以義理記其成敗忠邪引王法以繩之加賞罰於千載之外
天人之際靡不該貫焉施於後世王者不可一日而無也夫
然故知周公之德與周之所以王微春秋則周室不爲周室
中國不爲中國矣此書嚮遭詆斥廢錮故學者尚寡今以此
尊中國攘僭僞閤下殊有力於此事矣區區佔畢小生見前

古之聞人尚知慕之嘗伏光範之門在坏陶之末矣困於窮
空竟未有以獻其愚不能揜其無似之迹點汗記室之清塵
晞覬賈逵杜預之鑒或者得一言以自壯惟其適道抄忽豈
無纖毫補於朝廷竊妄論大君子行道之美因得達其所聞
不覺喋喋不知者以爲爲利也其知者以爲爲道也閤下滌
除四海相王室禮樂征伐之出天子復平籀亦願不負夙昔
爲道之志焉伏惟貸其狂率之誅幸甚幸甚不宣

上趙樞密都督書

愚竊聞朝廷大臣係時理亂惟文武兼資則可以有爲今日
國步艱難譬如解龍驤者不可嬰以芒刃斧斤礪而已矣技

傾壞者不暇顧夫藻椽棟梁壯而已矣蓋惟文可以附衆惟
武可以敵入相則百度正出師則四夷服古之人解兜鍪而
冠貂蟬自廊廟而履行陣投壺而講策畫緩帶而觀經傳乘
勝決機氣勢盈溢丹青所畫竹帛所紀皆文武之大才也時
危而用不武之人有禪僧放鷹之喻治遠者必自近始欲治
夷狄先輯中國外內皆重任也偉人在朝知無不爲豈憚勤
劇搢紳欣屬猛悍屈伏咸願其當軸處中然使其坐論王伯
燕安鳩毒桑梓之邦陷於塗炭豈得不槩于懷乎夫以隱情
惜己爲持重厭事苟安爲待時則何貴乎智勇何尚於功名
乎惟其英傑之度專意興復忘家徇國所以殊絕於凡庸也

往者網維不振士風迴邪談虛無注篆刻以爲儒術厚包苴
棄韜鈴而取將帥今其遺臭未遠餘孽或存戎鉞之寄實難
其人夷狄憑陵中原羶穢良以此也冕弁端委之倫非其能
超軼世俗改途易嚮則何以步驟周宣中興之佐乎主上勵
精閣下激昂吳越非勁兵健馬之所出關隴有脅從思漢之
人心多士盈庭皆未易當此重任也以閣下精治道見兵勢
以帝王之法則裁治中司以桓文之節制撫循二鎮有惻怛
綏靖之實無僥倖行之失凜乎經世御軍之略信有文武之
威風矣故綸絲布出陝蜀荆沔先聲萬里之外士卒鳧藻黔
首壤歌必相慶以爲得人識者謂吳之強弱在蜀之安危蜀

之安危在隴之嚮背夫騎兵出于隴右而財賦從蜀來蜀爲
隴之根本隴爲蜀之股肱秦爲天下樞機故得隴而秦蜀大
寧矣不得隴則秦蜀無能爲矣秦隴皆得而梁宋在吾指掌
之間并地可絕河而收也論攻戰者千條萬緒進退得失可
豫言此者也朝廷據有江淮設險守要僭偽在齊梁而秦隴
兩河皆爲虜守西南之人不能出大散之關督府所治正當
我之咽喉建瓴席卷世豈乏人也哉前日張公嘗爲此舉矣
恃卓然之忠義不料敵勢之方熾不察吾師乘之未和以新
輯剝傷之餘未暇少加練養而與百勝無前之虜決死原野
此志士所爲太息也愚頃者嘗以書見張公論兵不可必用

公易而不察也閻下之此行比之張公時異勢殊矣鄧禹歸而馮異擅赤眉之捷裴度行而李愬得李祐之降閻下之功名高於張公十倍可也昔韓信佐高祖乘章邯之結怨于民故還定三秦勢如破竹蜀人攻魏以孔明之賢而不能得其志值司馬仲達之強也成敗可以鑑矣料敵制勝者雖有婁曠之聰明終必憑於間探 精虜暴骨以逞甌中國十餘年矣重兵散歸國內再調發而無辭子女玉帛厭足牝克再來而吾無可有彼所謂謀臣猛將爲陝右膏肓者已天誅之故攻蜀則不能入而退據襄則狼狽遁走是我師亦稍強於曩時也虜之兵將既非前日之盛此似有可乘之隙敵似可料

矣然吾間探未精殆見其皮毛之事安知其無它謀臣不能更遣重兵乎故秦隴之事在精其間探也古之用兵惟間探爲急務且如一舉而取僞齊定京雒唾手可辦信如成功之後而與我爲敵者尚在北境用兵亦未弭也譬如搏蠱去虱何損於牛昔孫權嘗謂曹孟德曰足下不死孤不得安今吾朝廷若非虜酋之死滅亦不可謂安矣兵法曰知彼知己百戰百勝不知彼不知己百戰百敗見幾而作功守予奪之畫則閻下主其諾也愚聞之師曰進取不如自守知自守之至乃進取而無後患故羊祜杜預之賢巧於平吳而拙於謀晉自守之術蔑焉謝安桓溫銳意并吞所獲不知所喪所以無

害者知自守也。願閭下威德加於雍雒，畔將潰卒必相率以歸服王化而自守萬全之計。常使內重敵不能窺，國家永寧。兵革不頓，至尊安枕而無憂，所以成方召之業者亦偉然矣。嗟夫中原要終必克復，閭下掎之閭下角之江南諸將併力踣之以蜀之饒，蓄謀養威，裕民勸農，下賢容衆，先收陝右五路之師，與六軍期會于韓魏之郊，將符尊專，號令齊肅，戮力一心以酬特達之知，千載之一時也。今六纛數日啓行，用人之際下走以潦餽貧困百僚之下，傲匍匐於邯鄲，受擲揄於燕薊，其迂鈍可笑亦甚矣。輒不自揜其缺短之見，卜媼妍於帳下，伏惟揖怒蛙赦吐茵，鈞播之廣，宜無遐遺。吹噓之榮，豈俟誅譴不宣。

擬上趙相書

恭惟理世之要，澄源拯敝，纖悉舉措，罔非大公至正而已。伏聞朝論吏負猥衆，闕次極少，率一官而五人共之，一人任職，四人待次仕者無窮，而常負有限，填咽充塞，不可區處。有至十年而後之任者，本祈獎拔之多，而賢路迫隘，至於如此。近制中都官待次日，並罷斥，詳味美意，戒於汎濫，務在精切。此舉非不善也。前歲修廢官，除用諸丞，所濬不過三十人。今者禁行朝兵府僚屬，以次皆黜之，不下七八十人。其間不容稍

留矣嗟夫以人物爲懷以宗社爲悅毅然確然自任休戚而後及此灼見閣下之心焉傳曰治本在得人得人在審舉審舉在核實古之用人取之至寬用之至狹取之寬故賢者不隔用之狹故不肖者無所容夫披沙以求金其始未弃沙也舂糠以取米其始兼取糠終藉陶汰簸揚之功耳自今公舉慎選官曹之清必矣士之黜者誰不曰然或者以謂捨之則藏今既捨矣則宜遠舉遐引奉祠宮從農圃而已矣其長者以爲安義命堅持操讀書立言貴於得行也修身正家以治國也自進之路尚廣長逝山林則過矣閣下統理中外獎擢延引覆載之內跂行喙息皆有賴于庇庥而士大夫不蒙垂

廕理有不當然者夫一意於退自薄自弃者也自奮自勵者豈鉅其無取乎彼七八十人中其志意才略尚有人也今夫天下之勢方且倒懸神州陸沉未能雪復夷狄憑陵腥穢寰宇此政周才求賢之急也夫員能挾策自以絕出常流則愍世憂時亦誰能默坐而已耶亦不容逝去也嗟夫才之難也吾君吾相豈終弃人也哉所黜八十人者豈將使失其職乎夫古之逐客復爲尊官成大功名者矣三黜五去復被禮遇者矣至於鄙夷厭賤過絕忽略則識者不敢以此期閣下意者鑒裁稱量丹青造化已素定矣唐崔祐甫除吏八百時無遺才裴垍薦士三十餘人朝野翕然二子尚能然是豈足以

槩論高明乎士之無能無求無思無慾可以投閑散羣冗士者莫如籀也罷斥數中不在有無多少之間特閣下之在上猶復一鳴焉亦嘗承風旨辱軫念自惟身賤迹踈而有再三之瀆惶悚無措嗟夫自待固未忍薄待閣下亦敢不厚乎今天下所謂魁壘豪傑功業隆重閣下當軸實無忝焉與天下之士共建皇極固優爲也自惟非劉禹錫之才譽而求牛僧孺之知之杜牧之謀猷而覬李德裕之用亦已難矣儻尚寬其愚訓其拙未忘掇拾之意實以有道貧賤爲恥若夫流落無歸至於累年私事也非敢輒言經術道義學於前哲公論也其或小用結髮讀書白首不輟亦嘗側聞長者之風而竊窺夢奠老人之意矣庶幾用其道并其人試之以伎效之以官飛一檄馳一傳裨補塵露書生之事也敢不勉焉吉甫作頌沐如清風平生所慕恭惟今春虜犯淮泗閣下實爲首相捍患禦災之際舉無遺策虜以敗北誠願紀述盛德大業被之金石以追配古中興之佐焉狂斐干冒俯伏俟罪不宣

上秦丞相第一書

月日摛謹齋沐裁書獻于僕射相公閣下籀不佞潛伏隴畝積年甚多繆窺達者之槩嘗竊念今天下之本四海之勢惟聞道者足以論之體道者可以揆之故曰論道又曰道揆聖哲居於其位撥亂守成獨知先覺陶冶六合運動裁成不外

乎是夫道也者致之在學承之在師其體高妙應用不窮其迹墳典索丘其理仁義禮樂始也因筮而求魚終也忘言而得意其至極也天地待之而位萬物待之而育聖人傳焉豈誣也哉或曰天下未平斯才智馳騫之秋而談道豈切務乎遇應之曰不然夫博問精思渙然神解包覆無窮酬酢不匱猶佩繩繆帶規矩焉順之則興逆之則壞才智所及乃有限量雖千慮百圖而不合於道則無益也才智非道比矣舜之戒禹曰惟精惟一允執厥中詩頌后稷曰粒我烝民莫匪爾極此理深博祛名教之偏蔽與生民爲指南解紛而不惑更變而適宜畫功於無形消禍於未萌其於安危得失審矣人

主用其言至孝至仁至大至明唐虞夔契不是過也子思孟軻能言之而不得施於政教管仲薦教造之淺而所治小子房得之黃石而神之謂之陰符曹參得於蓋公而悟焉載其清靜今也任社稷重寄係生靈戚休抱竒術致帝王開物成務無所不綜天子咨沃四夷欽想巍巍青冥之上位居第一閣下膺時之運萬目胥眎萬頌胥延天下之責誰當任之以謂藝祖太宗之郡縣未復也梓宮之未來也太母之求歸也淵聖之久留也以道言之四患之未弭爲邦何以立耶建炎以來亟戰而求之逾十祀矣傳曰先王卜征五年歲習其祥祥習則行不習則增修德而改卜改卜烏可已也主上焦勞

日吳文惕恭謙屑屑寒暑勤勤如蹈虎尾涉春冰焉臣下當
糜殞以承旨意前此虜主虜酋傾覆撓亂塗炭宇內其臣民
徃徃助桀爲虐者則亦何顏與我通好故所遣使命徒勞而
歸今虜立新君一時用事之臣改易非前日矣彼我之相與
既非敵怨故使命踵來言還地講和議者謂其情難測事未
可知睿明日躋觀書乙夜自誠而明昭廊洞達斷然卓然以
大信交異類朝廷應變度宜觀其會通以行其典禮用候公
善誘之辯賈生表餌之說乃下議和之令可謂導吾君以誠
明仁孝殆戎衷發此善意道揆吾事成此大策室之則塞抑
之則絕我之於彼怨未嘗平憤未嘗雪忍恥含垢極矣何異

越勾踐漢高帝之事乎古今不遠矣蓋天意悔禍穹廬革心
易戰爭爲誓盟變甲冑爲皮幣轉睨離拘質爲會合改怨仇
愾恨爲恩惠我之所得如此復何求哉顧措置應接欲其曲
當浸灌薰揉消其頑傲耳夫戰不得已之舉也和名教之所
許也方且郊館勞搞贈賄異禮費雖千金不愈於奔軍屠城
之釁乎訓兵練將投石超距保淮據江過慎之防先勝之計
我故自若遣使之擾較之交戰何啻相千萬耶彼大國也雜
用夷漢之士豈無人乎若有人焉其和豈徒然其言必不妄
非可以氈毳腥穢待也夫豪英不必在中國彼之於道得之
五經之表矣况亦有詩書等也萬一地界漸復信使又至梓

宮太母淵聖相繼來還此亦講和之當然也昔文王斷虞芮之訟相帥而歸周者四十國瑕呂飴甥說秦繆則晉惠改館歸絳嗟夫文王能之而吾君亦然也秦繆之而戎虜似之矣夫道德之化其功豈可量哉名教之施其理無所不服吾君躬蹈高世之行天地可動山河可移金石可開鬼神可格強悍不詘之虜感而馴伏理之必然非硜硜之士憤憤之子所能測也又適當閭下謀王體斷國是經緯之學大有施設機神明鑒天實相之得道者多助矣夫鄰敵未賓侵地不復則仲尼相魯爲無效鴻溝不割太公未返則子房謀漢爲無功虜之不守中原其理明甚衆所共悉也責我以歲賜委我以

故境殆其款悃也太母淵聖族屬之歸又非若地上貢賦之饒其所貪冒者何爲不然乎假使朝廷疑拒虜使徒返我不因此而加強虜不由此而加弱失事之機觸彼之怒貽它日之大悔耳昔曹公不禮張松而天下分齊威矜於葵丘而九國叛事有機會毫釐之差其患大矣今已納其善意加待使人詳觀虜情權其利揣其害不得不盡也且澶淵故事遣使會盟南北寧一無犬吠之警者百餘年歲叨我金幣充伋饜飲虜豈不思前日之利乎今我兵日精若不議和虜豈有絲毫之得於我哉務戰勝窮武事自有見機之時亦非天下之遠慮至計也彼此民心畏死一耳今無荷戈頓戟之勞肝腦

塗地之苦而坐竦境土之歸問安之使兼具奉迎之議此非常之慶會事若無阻雖甚盛德蔑以加矣雖甚勲業無以過矣嗚呼閤下勉勉孜孜建立中興道義益隆四方所瞻天下之士聲同氣合者豈特腹背之毛芝木之籠所蓄耶亦相與樂夫志一道契之莫逆也故不量賤遠輒論中極之毫末以爲門下贊伏惟輟燕私而一覽焉荒唐鄙野非敢爲佞也矜愚而有擇焉幸甚幸甚不宣

見秦丞相第二書

月日籀謹齋沐裁書獻于僕射相公閤下籀今春狂僭冒干宰旅誤效計以勉廟堂之治得辭意蕪拙至今惕若伏幸朝

廷未賜嚴譴近日又覩詔令事宜弗能自退斐然妄發竊觀自古道術通明之士正傾安危解倒懸出陷溺皆不世之功三代久遠矣漢平津侯上疏武帝云周公旦治天下暮年而變三年而化五年而定愚心曉然見治道之可以然又曰暮年而變臣尚竊緩之武帝竒焉遂以入相卒號世宗而董仲舒所陳稽緩所以不合唐太宗問魏鄭公致理寧可造次而望乎鄭公曰聖哲施化人應如響期月而信不爲難三年成功猶謂其晚太宗納其說正觀大治嗚呼方其始進也何所據而出此言以許其君哉儒者學以輔萬物之自然文以達古今之妙旨執大器定大業趨大時集大勲所過者化若置

郵傳命旦暮燕越固千載一遇億衆一人耳豈易曰暮年暮
月天下於變且信耶其未效也若妄談焉觀公孫輔武帝表
章六經罷黜百家儒術光明時尚侈靡而務兵刑事業淺陋
平津之說不甚用也其言故不大驗太宗克己慎微寅畏恭
儉卒致刑措鄭公之言少行而驗矣夫在宥天下言必稱二
帝三代非可局於漢唐孫魏而止也大抵治功神速惟體道
者爲然二公槩先覺斯民矣方今天下難馴者莫若北國一
旦迴面請和稽首來享慕禮假義顧信修睦矣難復者莫若
中原土宇而三京八路版圖來獻肆頒大青一洗惟新聲教
風靡者數千里於是梓宮母后許我迎奉兄弟宗族許我遄

返凡吾君之所願者無不得所求者無不獲豈非聖賢相逢
通于大道柔遠能邇和陰陽而平天地召致感格如此其神
乎仲尼曰楚昭王通大道故失國而能再興百里奚曰行道
有福晉君不從而失邦歷數近世屢閱它相其體履或未盡
善其任責或未克堪術略槍攘功業茫昧雖欲許國愛君而
才謨有限矣豈有一德一心謀允事遂赫赫炎炎磊磊落落
寰區一變品物再生合化離復奔迸太平之象卓絕古今乎
漢輔不逮其言唐相克酬其志閭下揆政庇民再尹天下今
僅一年孫魏之言效見茲日凡譽人者惟其公則無憾閭下
首膺經綸之任俊功盛烈乃無與二意者吾君朝夕念茲盟

府之典揚庭之號當不逾時竊料每存降抑深自挹損故使
寵命稽停雖然固已播傳遠邇光于四海矣而不受其名不
居其勲此大賢之高致世俗固不識也昔齊威公使管仲平
戎于周王以上鄉之禮享之管仲力辭卒受下鄉之禮君子
韙之仲尼曰微管仲吾其被髮左衽矣如其仁孰謂其霸者
之佐而已乎其學必本於王道也故不怵於功利之際閭下
遜避勲爵得仁者之心術矣重器大名著竹帛而銘鼎鉞終
恐不免耳愚不肖如僕者亦能知其所謂焉蓋聖上天縱日
躋誠則明矣所往者順明則誠矣知來者逆此伏犧西伯之
極至也凡功業遠大稱其所得之高深云聖學非所敢議矣

故令羣臣副睿圖之難焉最後登庸閣下蓋道德有餘而勲
績自遂氣合而張治具謨契而運化機朝廷之上泊然若山
澹然若淵勢靜則不可動計遠則不可窺至誠之實覃于鬼
方慈愛之衷孚于動植本於清心省事無取智名勇功疇昔
天下不幸波搖雲擾時以謂流涕痛哭贊翊軍國惟詐力之
是務至於馬不解鞍籌不輟手移檄忘晝夜介胄生蟻虱然
吾君之意未嘗怡吾民之瘼未嘗去視太平若梯天焉道德
之治虛一而靜豈第平易以接民物天地交暢故能使南北
二國以信義相歡割百城奉皇族而我曾不少斬彼非近
道不能爲此大度之事我非有道無以受此殊特之恩開闢

以來華夷講和未有如本朝之比也昔堯憂洪水先明五教
疇咨四嶽求賢治之若以流俗觀焉豈不闊遠事情歟謂當
日夜先從事於江河矣使五教弗明求一日之安不可得而
何治水之有此堯之用心也今我國家正心誠意蹈仁義之
實五教已明夷狄滔天懷山忽然如潦水歸大壑天子無愧
舜禹之聖閣下可謂致君矣自今中原日趨平泰求所以安
輯存恤使渠帥豪傑無失職刺史縣令勤撫字法祖宗所以
得民者勉行之酌僭偽所以失民者蠲除之悉皆吾土與民
也夫何患焉然大江以北略言之惟見其利詳慮之其害何
可忽念萬世不拔之基無疆之業何得不詳也王猛有云善

作者不必善成善始者不必善後是以哲王良相戰戰兢兢
雖享其樂每思其終夫億萬豺狼愷旋并冀盟約未甚久固
邊徼帥乘始遵漢儀人情斃兀之秋恃羈縻之形勢譬之解
衣包火張羅防虎其可忘戒慎也哉噫治效患不速所願患
不成今速且成矣功大患不謙圖慮患不戒今遜且慎矣前
慮却顧使無遺籌此聖賢優爲也僕之膚受末學過計私憂
何補於筭其幼聞長者骨髓之論拳拳不能置也歸耕其分
矣再伏光範之門尚幸一見豈容無所獻庶於時有涓塵益
伏惟大鈞詢之載之不宣

月日籀謹齋沐裁書獻于某官上宰閣下籀聞裨謀野謀也
公孫僑應對鄰敵載而與俱吳武陵踈迹也裴度折衝靖國
深識其才子產中立巍巍勲勞裨吳二生愛悅從之而言亦
不朽士固尚志雖位下迹微攘袂撓說王公之前係時機權
何小小之得失也君子慷慨之心切不取小人循默之態矣
竊惟高明代天之工慎微接下野謀踈議所以至也國家隱
憂避狄之餘議論盈廷有偏狹憤眊之見昧久近彼己之勢
不深惟羈縻之良策則將安出前春金虜引去軍屯河北止
限一水豈不能觸天威挽淮壖有善意也不必張大虜兵貶
駁我旅昔日閭閻驚竄蹂踐之酷有目有足者見且蹈焉亦

不在多言之也彼兀木輩與吾諸將等矢刃相加比長絜大
嘗失地形粗能越江而歸途狼狽悔恨之故更求萬全故久
不攻我況大江舟楫非胡夷所長也宋之爲宋卜年千萬恩
浹民之骨髓虜狃常勝吾人面從豈真服乎使割地和好之
利在我而不在彼彼安肯先割汴雒陝西乎蓋和好之利彼
此共之也夫拒抗鄙夷勿與交接終不能屏絕之也擐甲穀
馬而來惟有鬪耳幸而一勝再捷兵挈釁結憂未艾也恭惟
兩宮問安不輟何名而戰天下倒懸生靈重負豈不欲解懸
息肩耶蓋玉敦珠槃留犁金匕豈無用之物哉議者每曰累
年割地議和此其詭謀狡筭使輶不得其要領忠信無如其

變詐邀索百端使我不能堪和事難成也故雖得敵國之附
五十城之歸而我自視歛然良以此也嗟夫不爲何成不行
何至危而費財者戰也安而費財者和也然二者皆不易焉
我養兵勞敵又加以賂虜誠何以給賂不多則虜所顧不重
要須將帥強則彼有所忌盟誓堅則詐無所施量入爲出幣
之多少適宜而已和之計鈍滯戰之事疾捷非不知也假使
留止一使尚勝覆敗一軍彼四荒之外封圻之中安生樂業
易如反掌豈他術哉夫據朝夕之池儲海陵之倉幹離茗之
利介邕管之駒國家非得已也虜人資我以五路河隴壯士
健馬指日可收彼亦不較知我尚強也愛戴吾君似若不薄

矣昔藝祖之臨御也南北未嘗通好駕馭英傑使李漢超馬
仁瑀韓令坤賀惟忠何計筠以備契丹虜騎莫敢犯也太宗
繼統用曹彬潘美出征燕薊互有勝負國史載之詳矣自祖
宗時不能制虜之死命章聖皇帝澶淵之役聚天下精銳寇
萊公爲相豈不知兵乎竟用文德不窮武事自後名臣如范
希文豈不知兵乎亦以皮幣講好爲言天生驕子騎射絕藝
禮義不可以速化干戈未可以遐征我國家以神武不殺混
同文軌聖聖相承專用一道不貴征伐其來尚矣今朝廷以
道爲原以仁爲根合符於祖宗稽疑於墳史卜之於天虜情
可見謀之於鬼事理不悖昆虫草木咸知好生之德天壤日

月咸明至誠之意大策灼灼亦既著矣修政事講武備足以
取重戎狄夫金鐵可以磨鍊龍虎尚堪拳繫萬一野心弗馴
歷稔逾時靳固和事所請不允豈容中輟乎人情未有卑詞
饋餉極耳目口腹之欲而不悅豫者也金玉錦繡迷心醜毒
珍玩竒巧無益治理投以予之亦何吝耶將命之人未得其
要領齎送之物未塞其無狀縱使不甚婉順亦非怒氣直辭
矣此宜用漢高隱忍之計陳平見機之速斟酌審諦而行之
夫何患焉虜人方且觀我知權與否有策與無得失安危之
秋也且魯酒誤趙而邯鄲被攻女子爭桑而吳師入郢張騫
之強力寬信王烏之譽面窵廬劉琨長嘯以解圍段熲外甥

致無害種種類推其意智士聞一知十妙通蕃情者備行人
之任焉藝祖搜覽豪英之多彼一時也章聖之任寇萊公尚
可繼述虜人功無以加富莫與倫麓中武夫猶喜馳驅儒生
有識者豈不知和好之事有軌或循利博而歸於我主且必
無意外之敗者也愚故曰和之利彼此共之耳衆人見朝廷
越在江左以疾篤瘡大療難愈緩夫良醫銷痰神砭除瘡必
矣閣下實尸此責任不然何以貴經國之高略濟時之至計
也哉傳曰齊君之母猶晉君之母也布大命而強質其母是
令不以名教也豈有兩國之君結爲兄弟而尚留人天屬者
乎平日膠膠擾擾之慮行且爲洩洩融融之樂矣如使和好

之外復有上策古今大賢亦必言之矣窮髮之首與中國之
傑復有妙見過於此者亦可以諮訪研尋也斯事誠非小小
得失矣明公以英風異才獨當鑪錘廊廟高深博學瑣議豈
能損益假如芻言毫端可用必不棄也區區塵冒惶恐俟罪
不宣

上湯丞相書

月日籀謹齋沐裁書獻于昭文僕射相公閣下竊惟方今天
下之勢大小綱紀斟酌調維廟堂邃深道周術遠筭數精審
幹邦槐棘之彥命世佐時之機凡常庶官不足議之僕就義
忠公之誠奕世補報之心弗以榮賤閑劇易其介徒以憂慮

私歎激其衷屑屑孜孜邀祈控訴憤排拳拳所願瞻依者天
下大老伏惟閣下稽古致時應半千之期攀雲附翼勵蓋立
之略秉人文師表蘊智辯裁成冠一時而綏庶邦謙而加之
以求善無厭健以至於宣勤不懈頃日小夫不自分限輕千
里而掃行馬之門闥趨宥府之嚴屏摠衣鴟堂鞠躬望履瑟
僞令儀自然休質乃蒙挹損寄崇誨誘卑品欽景風之穆戴
冬日之溫想宗廟之美覲百官之富高大遠密豈容隱度強
記默識秀偉絕倫信可謂君子之宗盟士林之根蒂也此時
不敢以芻言觸聞貴聽私意跋躐慕愛吁已久矣主上枚卜
首東左輔魁柄道協時來陞隆堂高閣下從容予奪六事百

司罔不風從畫一建明鮮不後爲律令內有精思起草之亭
外闡欽賢翹材之館庶政準程公道阜白指蹤武幹範模文
場政理赫焉如日正中勲績浩乎如川方至百度無滯九功
可歌不淹歲月而諧允矣方且興復汴雒恢廊中原有成豈
待三載天下孰不傾心延頸而俟也於皇當陽聖造求理之
銳萬方注賴之切扞患拔艱疇咨良哲必務疾速以副之決
斷而吞之勅天稽衆之訐謨廣士博選之至要不可以不汲
汲也天下之形聲雖婁曠不能周覽遍聞分治而豈無遺憂
沉應而豈無遺便惟明鑒大度虛中諏索訪問援引人之好
我弗疑弗猜無怠無斁悉厥胃腹俾來者虛徐區別以崇其

資略甄升以收其器能此納撥之叙也賢者必表良者必進
此天下公議也夫哲謀肅艾公實要切之規智囊心匠長國
家者之所貪也山不讓土故極其高海不擇流以極其深天
官地祇有神物主之非徒然也且如多士之中隋管經濟韓
白韜鈴威文節制龔龔黃風化游夏文學研桑心計趙張鈞距
或各遐阻不能自達綱目所加裘領既振非所慮矣昔燕昭
厚幣以聘郭隗遂致樂毅鄒衍劇辛三傑凡所欲果得所求
果成燕以之興蓋似善斯舉真善必來矣似才斯拔真才即
至矣先王籲俊無方重使一夫不被以此功利遍物舉措適
當其可數計乎夫未發之機藏伏之符必有能辨之人瞻前

顧後左摩右揣。誦度之加詳也。晉趙武舉管庫之士七十家。唐崔祐甫除吏八百。吾邦何爲而不可也。僕瑣瑣齷齷。濫從下大夫之綴。自眎聲牙寡合。冒進謁於吾大老之門。惟是承前人義方。自幼繆纂所學。造夫小者。近者幸蒙不拒其庸劣。賜之進前。他日蒙昧。瞽說因事。塵獻自效。昔者賈誼五十八篇。陸贄之文百數。二公究丘旦壺奧。係華夏休戚。後學之龜鑑。致時資治。室隙拾遺。誠在天勉勵。稽覈也。又頃歲蒙睿訓。擢承奉常。以其志尚有聞。區區所尚。心志確固。綸綍既出。必有所取。誠不敢少隋其志也。先祖遺訓曰。士而無益於世。謂之苟生。竊頌斯言。未嘗弭忘。恭惟閣下宣慈博。大包蓄庶僚。膚末不才。萬冀無鄙。干瀆大鈞。戰慄死罪。不宣。

雙溪集卷第九

劄子并議盜賊一首

面對論和戰劄子

眉山蘇轍仲滋

臣聞禹抑洪水拔萬世之患高宗代鬼方三年克之聖王魏
 乎建事策勲蓋天關隆平之路治人事天命亶膺期不得不
 然也逮夫中古豪傑之主唐文皇之討頡利漢高帝之賂冒
 頌措置愜當罔非偉績亦各斟酌時宜廟筭多得然嚴尤謂
 之無策未為通論乃是不知時勢而已竊惟陛下日昊焦勞
 江海梁益累年小康而中原尚梗強虜堅敵侵掠憑陵日來

事勢誠有間矣而未集也嗚呼洪水尚可治鬼方頡利冒頤
之倫有爲者豈難制哉陛下睿明今之禹高宗也成功何疑
夫和愈於戰天下雖平忘戰則危聖德英猷何特漢唐可比
其當戰也揆江山夷險之勢持重示弱養威待釁然後趨三
捷之利保萬全而奮暫勞永逸貴謀賤戰以節制輯睦之衆
據險乘便決機取勝近日川陝順昌柘臯殄殲醜類如舉鴻
毛夫或驅捕羶穢或致幣穹廬陛下卜之於天命參之以人
事天誘戎酋之衷知難而退翕然更始厭處中原思歸巢穴
陛下此際熟復長慮合天下之耳目而察之豈無最遠之見
聞歷古今之成敗而推之豈無最長之方略時攻而攻時賂

而賂文皇之雪恥非難高帝之大度何怯不廢兩塗隨事而
慎用之戰而非窮武孥禍豺狼之羣駭而遠遁賂而非偷安
目前氈毳之性薰然馴服深念夫興王要略豈不曰修政令
肅紀綱理財用治恩信精士卒練將帥飭守禦七者益加宸
心日新厥猷勵精勤勉虜必望風奪氣凶悖之心不生一意
慕華朝廷聲實有以待之若不獲已以戰則克豈黷於兵彼
既馴矣以賂則服奚狃於和大雅稱太王待混夷曰肆不殄
厥愠亦不隕厥問混夷駭矣維其喙矣言虜困劇而卒服也
臣竊謂深仁孝悌之感格英靈神武之變化長樂必歸侵地
即復道勝德立息兵措刑何求而不得何嚮而不濟耶臣職

遠愚陋不識時機今日鉅論大議實非敢與區區事君之義
冒死越職而言之欽惟睿明裁擇取進止

務農劄子

臣聞王政之先務農爲本觀周公豳風所陳后稷以來田畯
耜鎡斧戕蠶桑重稼滌場黃纁績褐想見先王愛利厚生之
叙慨然稼穡艱難小人之咨者思文之粒烝民底于道矣古
之治財者非一孔籠貨筭緡運米斂積甚勤且裕而周公所
陳淵源深矣珠玉泉貨寒不可衣飢不可食有補飢寒而至
重者粟帛也二者不充則它財無益蓋禾不天降非民力不
生纁不地踴非民工不成今陛下帑藏出于租稅每歲祿廩

軍賓以百萬計五年之蓄九年之備殆其可念自昔承平諸
路之賦常不能自給素所仰者東南數十郡今淮南徃徃爲
斥候之郊罕復種植賦入惟恃二浙而已吳地海陵之倉天
下莫及稅稻再熟貢縣八蠶方今纁綺之美不下齊魯又增
以鹺鏹籠榷之盛夫復何加白丁工女終身絲穀伍符尺籍
盡力邊疆行陣者無暇播穡南畝者甘心餉饋二者互相養
衛田夫必億兆於甲士犁牛必百倍於戰馬而後濟矣嗚呼
孰與溫飽天下而富強邦國非農也哉四民之最苦辛三務
之最勞劇苟寬裕其生生之業則士商工及末務者亦不匱
矣臣竊惟先聖有敦本興王之要道田里之安恃賢守令亦

不必其躬行阡陌以爲勸課惟科斂正辭惻怛務實使民養生送死無憾人心悅則陰陽和陰陽和而天地平於是風雨時若耕織成遂殆其庶矣太公言寬民之目曰利之而勿害成之而勿敗生之而勿殺與之而勿奪樂之而勿苦喜之而勿怒夫如是地無遺利家有羨餘縣官豈在加賦侵牟而後足用閭閻困之則邦本不固矣姑令有司量入爲出出納之間不失欽慎歲計時辦裁抑浮冗累歲均省必致京坻之豐山嶽之儲帶甲百萬陳錫周洽篚實盈溢民有蓄歲穀縑雖鉅萬不以爲家貲數雖公私咸有九年之積可也禮義益敦風化益厚矣陛下待遇守令賞罰以其勤惰於民才否必由民之謗譽誰敢不盡力哉嘗聞漢人推行鹽鐵條目之說至數十萬言亦是裨益邦家之術臣謂習讀詩書敦本而未茂矣儒家仁富與霸道固異也臣不勝區區越職昧死以聞伏惟聖明裁擇取進止

時務劄子

恭惟慮休戚之大究時用之宜情有所不堪功有所難成不曰如之何殆將無以爲今夫崇聖道稽經旨固已立治本也意者文昭而武未允志廣而謀未竭天下之公患也考之往課惟借漢可以爲諭高祖起布衣器度遠大非若諸生規規誦詩書也又蕭張佐之濟其不逮履至危拔至艱莫不由當

故先得秦鹿如約當王項羽號百萬衆盛怒將攻之當時衆寡相絕詎忿亦人所不堪子房導之謝咎自解鄼侯諫以湯武誑伸乃爲頑冒椎鈍忘小志而得大勇羽莫能測也及其築壇以拜淮陰乃定東嚮之計併率五侯之銳以討羽懷王君也羽又弑之然漢義師嘗不得志屢居項氏掌握之中每以智筭折而不屈王陵領兵迂太公而楚距絕之漢復失軍於睢水羽遂止太公呂后高祖自此裁一遇楚小捷京索即堅壘深塹不復出矣成臯修武之間惟務逃楚以親在其軍故然耶君父之讎但分遣淮陰等數將焚儲奪地高祖未嘗躬與羽角意有在也所以貴智而鄙力隨何片言而下九江曲逆萬鎰以間亞父厥後四方歸漢人心翕若羽雖剽悍失援寡助韓彭力攻之遂有鴻溝之割侯生緩頰而太公等果歸矣時謂高祖天授非人謀殆不然焉書曰必有忍其乃有濟隱忍之謂也方西伯居羨里七年閔天以寶貨竒物獻紂而後得釋故詩稱周之克商成王業曰夙夜基命宥密於緝熙殫厥心肆其靖之文武之答天命未嘗求之未嘗舍之能忍宥也能謀密也及其和洽而光明盡其心矣三代聖王所以肇基王迹必養銳畏天以漸制敵人故集大勲焉漢該不成擒太公亟歸君父之讎遂雪漢之籌畫當矣閣合於詩書也嗚呼朝廷行大道隆名教漢祖所不及至於隱忍而知天

命卑遜而終不屈北方三王與漢祖皆一致耳然今日所欲未悉諧允如先王者誠文教有餘師律未甚競也使授鉞非韓彭則虜無所忌銜命非陳酈侯隨則請求何獲要當精擇將臣慎行人之選不愛金幣以結五利廟堂計慮彌綸坐以待旦蕭張功名垂成矣若夫留意東求天下廉恥必勝之將則點虜破膽今世知兵者豈無遺才乎昨者戎心稍馴貪我賜予不特戰爭戰之賂之相時而動不可偏徇此漢高取大公之策閔天出文王之術也執事者宜熟思之

初論經解劄子

臣聞聖經賢傳唐虞三代所遺闕里之業王者樂道尊儒內自九重化流寰海金華露門咨訪紬繹辟雍東觀羣能感奮俾天下品類回心嚮正政學教洽三代之盛漢唐之隆及吾祖宗聖功休烈六籍之效著矣鴻惟陛下生而知之孳孳舜善聽朝之隙橫經疇咨宵旰睿覽研幾簡編建立太學首善之始崇道辯惑渥恩養士臣等遭際作興帶經負笈陶沐亭育紳笏周行戢弁就列改望睟穆之儀而又昧死輪對軒陛當得言之秋非有涓塵稱塞右文以謂不足以爲士矣竊聞永平之歲期門羽林肄習名教正觀之盛屯營飛騎少書博士臣固駑下亦知竦慕狂斐僂說不揆其愚昔者仲尼刪定繫彖筆削問周史聞齊韶而詩書易禮樂春秋各得其所惟

舉要發端不詳其言非不能詳也。以爲詳之則隘，故略之。儂
仁智者自求而得，逮夫李斯滅學之後，出于屋壁，既非全經。
兩漢顯門之流，白首講貫，授受相傳，深不負仲尼之責。虎觀
石渠，摳衣重席，論難紛紜，開益後人多矣。唐文皇時，初詔顏
師古考究章程，孔穎達撰定義疏，遂爲天下定論。此兩漢魏
晉以來千載儒術也。夫六經微言妙用，非可易解，而遽曉始
學，必由傳疏。近歲兵火，典籍殘缺，比日諸州刊印，稍備今之
諸生，所以窮經捨正義傳注，則懵然矣。此非一代之所私，一
家之偏說，一夫之獨智，輯合淘汰，千載宇宙之公是非也。但
漢初儒者各說說，師習詩書春秋古文，初不甚行。公穀方熾，

左氏廢錮，故三代遺典乖戾不合。唐人因舊承疑，去取粗當，
未暇大有發明。易數樂律至今不得其傳，臣願陛下特詔名
儒學官，既蓄聚唐之義疏，復收錄近世儒臣以學顯者所著
講解申敕州縣，委自守貳，網羅募輯，刊刻抄錄，儲之太學。臣
嘗思念本朝祖宗以來名世豪傑之士，體道彌切，經藝疏解
愈明知先儒有未悟者，條目甚夥。本朝之學光矣，非累聖神
化不能然也。意者商較評品，假以歲年，加秩給費，纂而成編。
古人有集傳集解之號，補唐之正義闕遺。凡說皆通，則並存
之疑者闕之，不妄鑿焉。庶幾孔氏之舊，祖宗右文實賴陛下
爲之統紀，甚盛舉也。其於設科取士考信萬方，究析道真，扶

翊名教使天下後世滌耳剝目伏膺不惑寔文治之偉蹟也
臣不勝犬馬昧死越職上言取進止

論收用武略之士劄子

臣恭惟陛下仁聖慈武駕馭積賢之符天人顯相故能服強
敵安土宇四方乂寧右文興化士生斯辰操觚挾翰者罔不
競勸咸以無文爲恥步趨先後圓冠方履溢于中外丕平極
治禮樂具備寢隆盛矣臣愚竊見近世干戈之際武力常恨
不振今雖平康豈遽弛焉恭惟本朝藝祖之武太宗之文列
聖重其光所課試區別盡天下之才致太平防患難文武二
柄未嘗偏用天生五材闕一不可書曰帝德廣運乃武乃文

今之識擢武士不若用文士之易天下之事莫難於用兵中
國文明冠帶之俗士閑習於辭藝不足者武也盜賊蠻獠之
傲何日無之今三府有按璫之吏外臺有饋運之臣皆所以
振兵也英竒鷲果個儻厭難之才或不肯由場屋誠別有以
籠罩之亦多塗矣古人有言曰物有不求未有無物之歲工
有不用未有無士之時萬一江海飄淪徃而弗返異域之人
尚或招來之以爲我用况在吾邦者哉凡修政當修之於可
修之時今國家閑暇理宜致意一旦倉猝乃求恐非備象之
策也昔漢高帝摠攬天下英傑而歎曰安得猛士兮守四方
此蓋帝王之度不得不然登壇受鉞非太平事旌擢觀省儲

蓄優遇亦欲補夫戎閫獸符乘障被羽之任也今之宿將例
各休老後輩威名著者幾人勇智可用之輩偶至失於甄錄
或沉埋軍中嫉於驕將或汨於賤遠無以自達或觸狽文法
武人常理寬之以容索之以出養之而成其可已耶夫斯民
豢於太平之樂游娛飲博心志恬嬉軍中投石超距之氣索
矣可無猛烈之士倡索之哉膏梁華屋之性習至若衝霜雪
冒炎埃飢渴驅馳趨死不悔惟山澤辛苦之士有以爲焉萬
夫之望殆此者也今之軍伍既無出戰捕虜可賞科舉粗收
策略弓馬之名此外莫若明詔邇級公卿與戎帥統督監司
歲薦所知武勇傑出之人朝廷置籍甄品時加召擢絕出倫
類如祖宗時郭進李漢超削平之後曹瑋李允則种世衡之
流竒略高才不易得矣古人未能遠過也書曰載采采歷言
其事狀也詩曰南有嘉魚烝然罩罩言勤取之必獲也庶幾
復得如此之流守邊臨敵永不乏人臣無任私憂過計拳拳
越職上言取進止

論取士專優春秋三傳劄子

臣昧死恭惟本朝以詩賦經義造士庶幾虞書颺言之舉於
斯得人祖宗朝甚盛邇日海內諸生窮計聖籍談洽道統義
疏名家羣士慕嚮罔不遵周孔之軌躅纂闕里之旨趣易詩
書及二禮先王謨猷貫穿詳備課有厥程惟春秋一經此廢

絕不用陛下稽古睿明注意經傳致令學者討做修習今既
舉行二百四十二年文字五家浩博以其久遭擯棄其說孤
寂罕爲人所講授僅有治者終恐蕪翳有識之士嗟泣歎息
此書筆削乃文王之文褒貶則周公之法禮義大宗百王通
典考周之所以王有邦家者守經事而欲知其宜更變禮而
欲知其權是非勸戒係天下表儀繩準別嫌疑定猶與至斷
妙用世所希聞傳業者優柔浸漬積久轉解實不易領會也
古之君子窮此學白首不輟惟經之體要固天下國家本務
丘明授經仲尼厥爲附傳非私意也前代稱左氏古學所載
紬繹三代禮樂上紀犧炎唐虞禹湯周孔遺軼齊晉伯主尊

獎王室捨此何據焉又公穀二儒傳經子夏二傳乃孔徒遺
旨典則非後世所及西漢賈誼賈嘉相與纂繼此道光武中
興立左氏博士唐文皇早歲受麟經之誼晉代杜預宗趣淵
源大賢所業夫治春秋之學如賈及杜皆名世偉人臣願陛
下明詔中外有司場屋詩賦策論命題措意或用春秋三傳
禮闈取人特優此孔經分數不妨以聲律定去留東求精悉
傑俊知類通達者置在博學師儒之列如誼預才謨飛聲邁
烈未必乏其人也俾瑣瑣惜學雖欲夸世亦不斥而自棄
臣愚烏足以究其閎粵極其高堅不勝懇懇披寫之誠所有
越職不敢逃罪取進止

應詔議福建路盜賊

稽伏觀正月二十五日詔書節文本路帥守監司各令具所以安輯綏撫消弭盜賊便民利物之事者稽竊伏謹以聖憂愍元元省刑薄斂視之如傷待遇僻遠一如輦轂此克舜之德度中興之基址臣下並體此意羣寇竦聞德音寧有不懷消盜安民無以易此也稽竊惟致盜之由與治盜之術又有愚誠在朝廷若莫選賢能守令任擊斷使者在州郡當寬其文法重其事權方今盜賊如本路近日三十餘火大者一萬小者數千百人姦民恃亂以爲富貴之資非但失業乏食者也驅擁護騰推埋焚劫所在之處官私一空人不聊生鼠

輩恣睢謂莫已敵是可忍也孰不可忍也子太叔有言政寬則民慢慢則紂之以猛猛則民殘殘則濟之以寬太叔以其說治鄭之羣盜若吹鴻毛耳方今天下多事而郡邑惟務姑息祇畏朽索蒲鞭寬待強狡之屬文吏自愛不任桴革之事爪牙鈐束之職無不曠弛致使州兵縣卒飽嬉游惰驕而難使軍政無紀師律不行一夫被甲行二百里而耗庫錢不下十一二千故重於遣兵布衣氓隸圜視而窺國家之誘誑南畝一旦成市蓋賊自寡少而歛聚官司覺舉不可少緩萌藥易與滋蔓難圖故平居無寇亦當謹鄰保之法嚴警察之

兵亦可擒制此事今已無及賊黨已熾郡邑兵少回遑之不暇專務餌之以錢帛縻之以官爵一切不問以安反側或能以方略使之摧敗或能以反間使相殘併盜必少弭拏此務與之官惟恐不高給之錢惟恐不厚含垢忍詬莫敢擒捕僥倖既開小人嗜利倣效者衆今日此鄉賊發明日某村又告急矣譬如養癰長疽厭弃箴艾坐視胷背之潰者也至有已受招安恩命亦不肯投戈散羣小失其意則奮臂倍約破縣鎮掠千百室大阿在手無不可者東漢李傕唐朱克融以不赦而成大亂故以招安爲務然賊方蟠據招之往往不聽非能使之摧敗詎肯歸我乎漢時所以置繡衣直指用干戈


斧鉞豈不仁哉不得已也開其自新之門不得不寬禦其不悛之心不得不猛無辜之民脅從叛援若夫訓導柔輯施其乏困扶其疲弱復其常產此所以待良民之不幸者也若夫招之而不歸懷之而不伏此頑民不可恕者也節制將士裁節冗費振起驕惰賞重罰明借俸侯王以充其費緩急之際州郡兵將相與戮力亦不煩朝廷顧憂慮勝而戰用惟其人殲厥渠魁分其徒黨願爲軍者撥隸諸營其勇力易以使遇它盜發則以既降擊未伏皆良策也至於守邦之人陟黜濫選如龔遂者以收安靜之功若夫豺狼塞路以力戰邀我選如王尊虞詡文武之才並假之以便宜勿拘之以常法如

此朝廷必無盜賊之顧憂安民利物誠在此耳籀不勝區區

冒昧陳聞

[Faint bleed-through text from the reverse side of the page]

雙溪集卷第九



此朝廷必無盜賊之顧憂安民利物誠在此耳猶不勝區區

冒昧陳聞

[Faint bleed-through text from the reverse side of the page, including characters like '子益然四以...']

雙溪集卷第九

[Faint bleed-through text]

